



UNIVERSITÄTS-
BIBLIOTHEK
PADERBORN

Universitätsbibliothek Paderborn

**EPISTOLAE TRES AD || D. IOANNEM PAPPVM ||
THEOLOGVM LVTHE-||RANVM:|| PRIMA, Excitoria, cùm in
seruando iureiurando Emetingæ facto, ne-||gligentior
esset Pappus.|| SECVNDA, Refutatoria Parallelorum ...**

Pistorius, Johann

COLONIAE, 1594

VD16 P 3042

Capvt Primvm, De S. Patribvs Et Receptis Doctoribvs Scholasticis.

urn:nbn:de:hbz:466:1-43314

CAPVT PRIMVM, DE S. PATRIBVS
ET RECEPTIS DOCTORIBVS
SCHOLASTICIS.

ET quod ad primum quidem effugium attinet,
quod positum vobis in sanctis Patribus esset
midè fingitis: quanquam in magna varietate
versantur, qui sectam vestrā de spolijs eorum
conuestire, & de pulchritudine vetustatis pigmentum
aspergere turpitudini vestræ cupiunt: tamen in genere
in eo conueniunt omnes, nullum vñquam in yniuersa
antiquitate post Apostolos extitisse Patrem vel Docto-
rem publicum, qui in tradendis religionis articulis cum
Luthero prorsus consentiat: & qui non vt in quibusdam
congruit, sic in reliquis ab illius sententia longissimam
fecerit discessionem. Id si non fateris, Pappe, delige de
toto cœtu concilioque Doctorum Patrem vnum, inter
quem & Lutherum in capitibus omnibus fidei, tuo iudi-
cio, conspirans sit æqualitate sententiarum consensus:
& nomina nobis si potes: sed si potuisses, fecisses Em-
tingæ: fecisses post bene longam deliberationem, in Pa-
rallelis tuis, ridiculis parallelis; cùm iussus de longissima
quindecim seculorum intercapedine proferre Lutheri
in religione sententiaque scripturæ similem vnum Do-
ctorum, proponeres S. Augustinū; tamen contra pætam
fidem negares rursus, totum esse Lutheranum, sed tan-
quam si portentum ex Lutheri varietatibus conflatum
S. Vir fuisset: sic oblitus ruboris tui vociferas, & fuisse Lu-
theranum & non fuisse: fuisse interdum, non fuisse sem-
per: imò fuisse & non fuisse, in re vna, in articulo vno, in
consideratione vna. Itaque quia S. Virum Augustinum,
fulgore conuictus clarissimi luminis, quo libri illius col-
lucent, professus es, nec semper, nec in omnibus in fide
mansisse sententiaque Lutheri, nullū profectò, si omnes
latebras prudentiæ & recessus memoriae, & anfractus ce-

N

re bri

tebri tui percurres, appellabis Patrem alium Lutheri solum, quo usque globosum atque rotundum cælum cursum suum tenebit: Tamen si adhuc potes, si aliquis interim Angelus, albus an niger (non interest) Patrem inspirauit: edisse Pappe: per animam te: per conscientiam tuam: per honorem adiuro: nomina aliquem: vel iube per tuos nominari, si tu per obliuionem vel hebetudinem non potes.

De Sancto Augustino ipse desperasti: & refutarent adhuc impudentiam tuam, si te rursus in publico sisteres, ipsius S. Patris voces in libris relictæ: De Missa, (in quæstionibus Dulcitiæ quæstione secunda, & in libro tertio Enchiridij cap. 109. & lib. 10. de ciuitate Dei cap. 20. & eiusdem voluminis 18. libro cap. 35. & lib. 21. cap. 8. & nono Confess. cap. 12. & contra Faustum lib. 20. cap. 18. & 21. & de Sanctis sermone 11. & in lib. de anima cap. 9. & in 84. quæstionibus, quæst. 61. & in epistola 23. & in psalmo 33. conc. 1.) De Purgatorio & inuocatione Sanctorum, (in libro de cura pro mortuis cap. 1. & 4. & 18. & in libro 21. contra Faustum cap. 20. & de ciuitate Dei libro 21. cap. 24. & 27. & in tractatu 84. in Ioannem, & in 32. sermone de verbis Apostoli, & epistola 64. & libro 9. Confess. cap. 12. & 13. & Enchiridij cap. 109. & no.) De fide iustificante non sola sed animata & excitata per charitatem, & de meritis operum, (sermone 16. de verbis Apostoli, & de tempore sermone 67. & 68. & in lib. de gratia & libero arbitrio cap. 7. 8. & 9. & in festo omnium Sanctorum, & in libro de fide & operibus cap. 14. & 16. & in tractatu 10. in Epist. Ioannis, & commentarijs in psal. 31. & epist. 105. & Enchiridij cap. 107.) De S. Petro Apostolorum principe & fundamento Ecclesiæ, eiusque Romæ administrato Episcopatu & obito Martyrio & relictis successoribus Romanis Papis, & de Romanæ Ecclesiæ supra cæteras principatu, (lib. 1. contra Julianū cap. 2. & de Baptismo contra Donat. lib. 2. cap. 1. & lib. 5. cap. 23. & enarrat. 1. in psalm. 108. & conc. 6. in psalmum 30. & tractatu 56. in Ioannem, & retractat. lib. 1. cap. 21. & contra literas Petiliani lib. 2. cap. 31. & in hæresib. ad Quodvultdeum, hæresi 1. & epist. 165. & in psal-

mo con-

mo contra partem Donati, & contra Epistolam Manichæi cap. 4. & contra duas epistolas Pelag. lib. 1. cap. 1. & lib. 2. cap. 3.) Sed quid opus est post præclararam confessionem Augustinianam à Reuerendo P. Torrensi in publicum relatam, & post meam contra Herbrandum adhuc triumphatè Analysis, & post tua, Pappe, Parallelæ, funesta Lutheranis parallelæ, & parallelorum istorum factam à D. Hænlino Reuerendo & Clariss. viro disiectiōnem, ascribere S. Papistæ Augustini tum de istis, tum de cæteris controuersijs testimonia ad iugulum incidendum sectæ Lutheranæ? Sunt enim omnia planissima & contestata libris publicis, & inculcata vobis ad tædium: & corroborata silentio perpetuo vestro: & si audes Pappe, os aperi: omnino hisce: pone exemplum impudentiæ: da te in lucem. Viceris, non si Augustinum per omnia (quam Emetingæ vocem prior tibi temeritas expressit: posterior cogitatio rursus reiecit) sed si vna in re in uno fidei articulo, in rebus de quibus controuersamur, sentire cum impuro Luthero purissimum Patrem Augustinum ostendes. Non igitur deinde nominabis tanquam affectatorem Lutheri, S. Augustinum, ne quidem si nullam verecundiæ tuæ tenebis rationem.

Nec S. Ambrosium produces, prædicatorem & laudatorem maximum sacrificij in Missa, (in lib. 4. de sacramentis cap. 5. & 6. & in precationibus suscitantibus mentem ad Missam, & in cap. 10. epist. ad Hebreos, & in psalm. 38. & lib. 10. epist. 85. & lib. 5. epist. 33. & lib. 1. officiorum cap. 48. & in exhortatione ad virgines) & papisticum inuocatorem Sanctorum, (in libro de viduis, & sermone 93. in natali S. Martyrum Nazarij & Celsi, & 77. de natali sanctorum Octauij, Aduentitij & Solutoris, & in oratione funebri de obitu fratri Satyri, & in exhortatione ad virgines, & in oratione 2. præmittenda ante Missam) & inflamatorem Purgatorij, (in oratione funebri de obitu Valent. Imp. & in precatione præparante mentem ad Missam, & oratione funebri pro fratre Satyro, & de obitu Valentiniani, & de exitu Theodosij, & cap. 12. Lucæ

N 2 infi

in fine, & lib. 2. Epist. 8.) & meritorum nostrorum ad consequendam salutem & ad delendas iniquitates amplificatorem, (lib. 1. offic. cap. 29. & in 6. & 12. & 17. cap. Luce, & ad Rom. cap. 4. & ad Ephes. 2. & ad Galat. 3. & in lib. de Helia & ieiunio cap. 20. & in psal. 38. & lib. 7. Epist. 44. & lib. 10. Epist. 84. & sermone 8. & 7. & 14. & 15. & 18. & in psal. 118. & de virginib. lib. 3. ante finem, & lib. 2. de vocatio. gentium in fine) VT SOLIVS SINE CHARITATE FIDEI ET ex hoc CONFICTAE IVSTIFICATIONIS OBIVRGATORREM, (9. libro Epist. 74. & in cap. 5. ad Galat. & ad Tit. cap. 2. & ad Philip. cap. 3. & libro 2. de pænitentia cap. 5. & ad Hebreos cap. 4. & ad Corinth. prioris epistole cap. 7. & 12. & 13. & in psal. 118. in litera Ayn: & lib. secundo officiorum cap. 2. & lib. 9. Epist. 74. & lib. 7. in 11. caput Luce, & lib. 2. de Caino & Abel cap. 9.) & iudicem damnatorum eorum qui cælibatum in sacerdotio vituperant, & virginitatem adæquant cum matrimonio, & rumpunt vota, (lib. 10. epist. 80. & 81. & 82. & lib. de viduis, & exhortat. ad virgines, & lib. 1. & 3. de virginibus, & lib. 1. ad virginem lapsam cap. 5. & priori ad Corinth. cap. 7. & 9. & in cap. 3. epistole 1. ad Timotheum, & lib. 1. officiorum cap. 50.) & præconem monasteriorum, (lib. 1. ad virginem lapsam cap. 5. 6. 8. 9. & 10. & institut. virgin. cap. 17. & de virgin. lib. 1. 2. & 3. & in psal. 36. & 1. officior. cap. 11. & lib. 6. epist. 36. & lib. 10. epist. 82. & ad virginem deuotam cap. 1. & 2.) Confirmatorem primatus S. Petri inter Apostolos in dignitate & cura Ecclesiæ & vicariatu Christi, (in cap. 6. & 9. & ultimum Luce, & in psalm. 43. & lib. 5. de fide cap. 1. & in prioris ad Corinthios cap. 9. & posterioris cap. 11. & 12. & in epist. ad Galatas cap. 1. & lib. 4. de fide cap. 3.) Papisticum approbatorem fundatæ in S. Petro Ecclesiæ, (lib. 2. de vocat. gent. cap. 9. & lib. 4. de fide cap. 3. & in sermone 47. & 66. & 8. & 84. & in Euangel. Luce cap. 9. & in cantico Aeterne rerum) assensorem historiæ de S. Petri Episcopatu Romano, & sub Nerone suscepto cum S. Paulo Romæ 29 Iunij Martyrio in cruce, (de sacram. lib. 4. cap. 1. & sermone 66. & in psalm. 118. octonario 21. & lib. 1. de interpell. t. Iobi cap. 1.) sectatorem

torem in omnibus Ecclesiæ Romanæ tanquam capit is omnium Ecclesiarum quæ errare non possit, (*de sacram. lib. 4. cap. 1. & de fide lib. 4. cap. 1. & de vocat. gentium lib. 2. cap. 6. & in Lucæ cap. 9. & in 1. ad Timoth. cap. 3. & de pœnitent. lib. 1. cap. 6. & lib. 5. Epistol. in orat. in Auxentium, & lib. 10. epist. 80. & 81. & in orat. funebri de excessu fratris*) & summatim tantum in controuersijs omnibus Papistam, ut pauci hactenus Lutherani & quidem admodum verecundè de mutuando fuco ex S. Ambrosij testimonijs ad nouitatis suæ pingendam obscuritatem cogitauerint.

Multò verò minùs, Pappe, confugies ad S. Hieronymum, cùm ad libros illius contra Iouinianum & Vigilantium oculos attolles, & tum in his, tum in libris alijs conspicies, sacrificari à S. Patre in coena Deo corpus & sanguinem Christi, (*lib. 1. comment. in cap. 1. ad Tit. & epist. 17. ad Marcellam cap. 2. & epist. 60. quæ est Epiphanij, tamen versa à S. Hieronymo, & epist. 126. ad Euagrium, & epist. 128. ad Fabiolam, & epist. 150. ad Hedibiam quest. 2. & lib. 1. & 3. contra Pelagianos, & in psal. 21. & 65. & in questionibus Hebraicis in cap. 14. Genes. & lib. 13. comment. in cap. 44. & lib. 14. cap. 46. Ezechielis, & dialogo 2. contra Luciferianos, & Apologia ad Pammachium cap. 3. & lib. 4. comment. in 26. cap. Matth.*) inuocari Sanctos, & honori rari maximo fructu reliquias, (*contra Vigilantium, & in vita Hilarionis, & in epist. 17. ad Marcellam, & 25. ad Paulam, & 27. ad Eustochium, & homilia 3. in Cantica canticorum, & in proœmio lib. 9. commentariorum in Ezechielem, & præfatione in 2. comment. ad Ephesios*) Purgatorium defendi, (*lib. 1. contra Pelagianos, & lib. 2. contra Iouinianum, & lib. 4. in Esaiam cap. 10. & lib. 18. in eiusdem cap. 65. in fine, & in Ezechielis cap. 2. similiter sub finem, & in Danielis cap. 7. & in Amos cap. 7. & in Matthæum cap. 7.*) Fidem solam non admitti ad iustificationem, (*in epistola 27. sub finem ad Eustochium, & in cap. 26. & 55. & 66. Esaiæ, & in 29. & 31. coput Jeremie, & in cap. 4. Osee, & in psalm. 39. & in cap. 6. ad Galatas, & in cap. 2. ad Titum, & 3. ad Ephesios, & in epist. ad Philemonem*) impetrari per merita nostra salutem æternam,

(in cap. 3. ad Titum, et in Zachariæ cap. 8. et in 3. ad Galatas, et in 26. cap. Esaiæ ab initio, et in 35. paulo post initium, et in 33. et in 66. eiusdem, et in præfatione in 3. lib. in Ezechielem, et in eius 5. caput, et in 12. Danielis, et in 25. Matthæi, et in Aggæi cap. 1.) Virginitatem & cælibatum infinitè anteferri matrimonio, (contra Iouinianū, et in Apologia ad Pammachium, et in Epistola contra Heluidium, et paſſim) monasticam vitam esse perfectissimam vitam, (epist. 3. et 28. et 34. et 150. et in psal. 119. et 145.) etiam in scripturis non tradita, tamen propter Ecclesiæ consensum mereri fidem, (dialog. de Luciferianis, et in viris illustrib. de Polycrate, et epist. 28. ad Licinium) S. Petrum principem & caput fuisse Apostolorum, & super eum stabili mole fundatam Ecclesiam, (lib. 1. dialog. aduersus Pelag. et epistola 54. ad Marcellam, et lib. 3. comment. in 16. cap. Matthæi, et lib. 1. comment. in epist. ad Galat. cap. 1. et lib. 1. contra Iouinianum, et lib. 1. comment. in secundum Esaiæ, et in cap. 16. Hierem. et in cap. 41. Ezechielis.) Romæ S. Petrum fuisse Episcopum & affeatum martyrio, (de viris illust. in Petro, et in Marco, et in Clemente, et in Egesippo, et in 2. cap. ad Galat.) Pontifices Romanos esse S. Petri successores: & principem atque caput & purissimam Ecclesiarum esse Romanam, & non esse Catholicum qui cum illa nō sentit, (in locis proximis et epist. 8. ad Demetr. et 17. ad Marcellam, et 57. et 58. ad Damasum, et epist. 65. ad Pammachium cap. 3. et epist. 78. et in dialogo contra Luciferian. cap. 4. et 9. et in cap. 52. Esaiæ, et lib. 2. contra Rufinum cap. 4. et 8. et in procœlio libri 2. ad Galat. et in epistola ad Ageruchiam) & tantum tamque rigidum monachum fuisse S. Hieronymum, ut ipse Lutherus (Tom. 5. Germ. fol. 153.) rugas & maciem & continetiam sancti viri luxuriosus stuprator cideat, & tanquam vastatorem totius Euangelij (Tom. 3. Lat. fol. 220.) & impium atque blasphemum hæreticum (ibidem fol. 173.) damnet. Id igitur cùm considerabis Pappe, missum facies S. Hieronymum: & antecessionē sectæ tuæ in illo non quæreres: quem Lutherus ne quidē Sancti viri cognomento dignatur: magis per diabolicam detestabilem

stabilem impudētiā propter virginitatis laudationem
actum esse præcipitem in infernum putat, scelerus scur-
ra, virtutum omnium hostis & scelerum affectator.

Sed ut S. Hieronymum, sic certè, Pappe, S. Chrysostomum patronum sectæ non deposces: & contra nos religionemque nostram pones. Is enim Missas magnis firmamentis constabiliuit, & principium ab Apostolis duxit, (homilia 3. in epist. ad Philippenses, et 18. et 24. et 27. et 41. in epist. ad Corinth. priorem, et 26. et 83. in Matthæum, et 21. in Acta, et 3. in Ephes. et 5. in 2. epist. ad Timoth. et 17. in epist. ad Hebræos, et 6. et 61. et 66. ad populum Antiochenum, et lib. 3. et 6. de sacerdotio, et in Liturgia sua) transsubstantiationem credidit, (homil. 60. ad pop. Antioch. et in Missa) mortuos Sanctos, ut mundi protecōtores, tum alibi tum ad eorum cineres inuocauit, (homilia 66. ad populum Antioch. et in morali 26. homilia in cap. 12. epistola 2. ad Corinth. et 5. in Matthæum, et in oratione Encomiastica ad Principes Apostolorum, et in homilia ad duodecim Apostolos, et libro contra Gentiles, et in laudat. S. Ignatij, et in demonstrat. quid Christus sit Deus, et oratione 2. de prouidentia, et serm. in Iuuentinum et Maximum, et in Missa, et homilia 15. in secundum cap. Genesis sub finem, et in psal. 115.) Purgatorium & orationē pro mortuis tanquam Apostolicas constitutiones tradidit, (in serm. 3. ad Philipp. in morali, et homilia 59. et 69. ad pop. Antioch. et lib. 6. de sacerdotio ab initio, et homilia 21. in Acta, et 26. in Matthæum, et homil. 41. in 1. epist. ad Corinth.) fidem solam damnavit, (homilia 11. et 44. et 48. et 70. in Matth. et orat. 7. in caput 4. ad Hebr. et in serm. de fide, spe et charitate, et in psal. 110. sub finem, et serm. 7. et 11. ad Philipp. et homilia 9. in 3. cap. prioris ad Theffal. et 7. et præsertim homilia 8. in 2. ad Timoth.) fiduciam in meritis suis collocauit post Deum, & omnino cælum meritis concendi, & eleemosynis condonari peccata docuit, (homilia 5. et 16. in Matth. et in homil. 11. in Matth. de lect. Euangelij ubi dictum est, Nolite esse sicut hypocritæ. et 48. in Ioann. et 71. et 79. ad pop. Antioch. et 17. ad Hebr. et in orat. 4. de prouidentia, et in psal. III. et lib. 1. de prouidentia, et in Genesin homil. 4. 22.)

n. 142. & in epist. ad Philem. homil. 1.) virginitatem & monachatum tanquam merita magna laudibus sustulit in cœlum, (lib. de virginitate, & in psal. 1. & 22. & 45. & 116. & homilia 3. de verbis Esaiæ Vidi Dominum, & homilia 71. in Matth. & sermone de laud. Monach. & in lib. 3. contra vituperatores vitæ monastice, & in libello de comparat. Regis & monachi, & in omnibus penè libriss.) Scripturam non omnia complecti rā nūsā, sed multa sine scripto relictâ ab Apostolis in Ecclesia, iudicauit nihilominus religiosè credenda: nec dubitandum amplius si traditio mōstretur, (in homil. 4. in 2. Theff. 2. & in moraliserm. 3. ad Philippens. & in orat. 26. in 1. ad Corinth. & in psal. 118. & in lib. de virginit.) Petrum Principem Apostolorum & totius Ecclesiæ pastorem constituit, cui etiam S. Paulus dederit primas, & in eo tāquam in fidei firma Petra fundari Ecclesiam. (homil. 9. & 33. & 55. in 16. & homil. 83. in 26. caput Matthæi, & in orat. Encomiastica, & in homilia in princip. Apostol. & in homil. 4. de verbis Esaiæ, Vidi Dominum. & homilia 9. de pænitent. & in homil. 60. & 79. ad popul. Antioch. & in psalm. 50. et in sermone contra Iudæos, gentiles et hæret. et homilia 31. in epist. ad Rom. et homilia 3. et 4. et 21. et 35. in 1. ad Corinth. et homil. 87. in 21. cap. Ioannis, & homil. 27. in Matthæi cap. 25. et epist. 7. ad Olympiam, et homil. 9. in 1. ad Theffal.) Fuisse S. Petrum primum Papam Romæ, & ibi cruci affixum capite in terram verso, 29 Junij, sub Nerone, reliquisse successores Papas, & ista omnia per totum mundum celebrari, (in orat. Encom. et in homilia in principes Apostol. et homil. 2. et moralis homiliae 32. in epist. ad Rom. et homil. 10. in epist. ad Titum, et in homil. 8. in psalm. 48. et in homil. 8. in epist. ad Ephesios, et homil. 66. in 46. cap. Genes. et homil. 8. in 1. ad Corinth.) Petrum fuisse præsidem & pastorem Ecclesiarum per totum orbem terrarum à Christo constitutum, & Romanam Ecclesiam caput esse Ecclesiarum omnium, (homilia 55. in cap. 16. Matthæi, et homil. 80. ad popul. Antioch. et in epist. 1. et 2. ad Innocentium.)

An tu ergo Pappe S. Chrysostomum tantum Papistam, quem scurrile & ex mendacijs cōflatum monstrum tuum

tuum Lutherus rabulam, & obstinatum, & appetentem
externæ gloriæ, & superbū scriptorem, (Tom.7. fol.247.
& in epularibus nugationibus) & libros eius ad religionem in-
fructuosos & plenissimos inanum tantum sonorum, vo-
care & vituperare sanctissimum virum maledicus vete-
rator non dubitauit.

An istum tu contra procreatorem tuum ascisces ap-
probatorem erroris & patronum sectæ & socium incre-
dulitatis? & abstrahes à sententia & Ecclesia & fide, in qua
quamdiu vitæ cursum tenuit, vixit, & quam mortuus in-
tulit secum in sanctimoniam cœlestem & in regionem at-
que sedem Sanctorum? Sed non facies, Pappe: nondum
enim de moderatione & integritate tua desperauit.

Num igitur alium, Pappe, veterum seculorum Pa-
trem cum societate cœtuque vestro consociare pappo-
qué tuo ad vertiginem agglutinare vestram audes? An
S.Cyprianum, qui lutoso Luthero imbecillis & puerilis
nugator & desertor diuinæ scripturæ fuit? qui pro Missæ
sacrificio propugnauit acerrimè, (epist. 11. & 16. & 18. & 32. &
37. & 54. & 58. & 63. & 68. & 73. & 76. & 77. & de test. aduers. Iudæos
lib. 1. cap. 16. & 17. & in orat. domin.) qui Purgatoriū & precati-
ones sacrificiaq; pro mortuis defendit, (epist. 52. & 66.) qui
preces adhibitas ad Sanctos exemplo factoque suo con-
firmauit, (epist. 5. & 57. & de stella & Magis, & de mortalitate, &
de discipl. & habitu virginum.) qui solam fidem non recepit:
adiunxit opera & merita in nobis Spiritus sancti, (epist. 14.
& 18. & 20. & 25. & 37. & 52. & 55. & 56. & 57. & 60. & 77. & lib. de
vnit. Eccles. & de orat. domin. & de zelo & liuore, & de opere & ele-
mos. & de bono patiētiae &c.) qui virgines & monachos ioray-
lae vocauit, (de discipl. & habitu virginū, & epist. 60. & 62. & 77.
& locis plurimis alijs.) qui satisfactiones & indulgētias dilata-
uit, (epist. 8. & 10. & 11. & 12. & 16. & 25. & 26. & 27. & 30. & 31.
& 40. & 52. & 55. & 59. & 64. & 69. & de vnit. Eccles. & de opere
& eleemos.) qui Petrum caput Ecclesiæ, & primū Aposto-
lorum, sedisse Romæ, & super eo ædificatam Ecclesiam,

O & qui

& qui à cathedra Petri discessionem faciunt, non esse in Ecclesia; & Romanam Ecclesiam esse Ecclesiarū omnium matricem, nec posse adulterari fidem illius demonstrauit, (epist. 40. et 45. et 52. et 55. et 57. et 69. et 70. et 71. et 75. et 76. et de unit. Eccles. non longè à principio, et de exhortat. martyr. cap. II.)

An igitur Pappe rursus S. Cyprianum nominabis testimoniū Lutheranæ seditionis, quam ille detestabilem putat & totam in infernum damnat? An fortassis S. Gregorius Magnus tibi Lutheranus est? quem Lutherus os durum illud & flabellum Sathanæ scriptorem superstitionis, & à Diabolo pueriliter deceptum, & planè nullius pensi concionatorem, & inscium Euangeliū Christi, & os Diaboli, & damnatum ad infernum, & errantem in satisfactione vocat: ex quo solo coniectura capi possit, à Deo Romanam Sedem subiectam execrationi, nec extitisse post S. Petrum Papam qui Euangeliū Christi prædicauerit? (Tom. 2. Germ. fol. 301. et 350. et 434. et Tom. 5. Germ. fol. 231. et 368.) An igitur Lutheranus est, qui fidem solam reiecit? (lib. 4. in Iobum cap. 14. et lib. 33. cap. 6. et homil. 9. et 22. super Ezechiel. et in 3. lib. in 1. Reg. cap. 4. et homil. 27. super Euangelia) qui sacra Papistica fecit & fieri iussit, (lib. 1. epist. 27. et lib. 4. epist. 34. et lib. 6. epist. 30. et 31. et lib. 7. Indict. 2. epist. 63. quam nota. et lib. 11. epist. 57. et in decretis suis, et in priuileg. Eccles. S. Medardi; et lib. 4. dialog. cap. 58.) qui Purgatorium maxima contentione & ex scriptura, & ex exemplis quæ acciderunt, defendit, & ipse celebrandis Missis innumeratas animas ex Purgatorio liberauit, (in primo et tertio psalmo pœnitent. et in lib. 2. in 1. Reg. cap. 3. et lib. 4. dialog. cap. 25. et 39. et passim.) qui Sanctos inuocauit, (lib. 2. dialog. cap. 38. et lib. 3. cap. 24. et 25. et lib. 4. epist. 34. et lib. 5. epist. 19. et in priuileg. Ecclesie S. Medardi.) qui S. Petrum Apostolorū principem fuisse & caput Ecclesiæ, (homil. 18. in Ezech. et in 4. et 5. psalmum pœnitent. et in 2: parte pastoralis curæ cap. 6. et lib. 2. epist. 33. et lib. 4. epist. 30. et 32. et 38. et lib. 6. epist. 23. et 37. et lib. 9. epist. 39. et 40. et lib. 10. epist. 31.) & habuisse à Deo mandatā totius Ecclesiæ curam, (lib. 4. epist.

epist. 32. et lib. 7. Indict. 2. epistola 95.) & in S. Petro ædificatam Ecclesiam, (lib. 4. epist. 32. et lib. 6. epist. 37. et lib. 11. epist. 44.) & sedisse Romæ in Episcopatu, & ibi martyrio affectum & humatum, edere miracula infinita per corpus & claves, apertissimè scripsit, (lib. 1. epist. 29. et 30. et lib. 3. epist. 30. et 41. et lib. 6. epist. 37. et 60. et lib. 11. epist. 8.) qui Romanam Ecclesiam nominat Ecclesiam Apostolicā & B. Petri, & caput Ecclesiarum omniū, & supra omnes in toto mundo principem: quæ claves aperiendi & claudendi cælum habeat: & in cuius solius cōmunitate sit spes veniendi in cælum: sic ut qui ab ea diuiditur, dānetur: nec qui ab illa repulsus est, suscipi debeat à quoquam: (lib. 1. epist. 70. et lib. 2. epist. 33. et 69. et lib. 3. epist. 41. et lib. 4. epist. 38. et lib. 5. epist. 26. et lib. 6. epist. 23. et 37. et lib. 7. Indict. 2. epist. 53. et 95. et lib. 10. epist. 31. et lib. 11. epist. 44. et 54. et lib. 12. epist. 6. et 31. et in lib. 1. Reg. cap. 14. et in psalm. 5. paenitent. in versu; Tota die &c. et in decretis et in priuilegio Ecclesiæ S. Medardi.) qui se & Papas omnes Romanos vicarios & successores Petri vocat: (lib. 6. epist. 60. et lib. 10. epist. 31. et lib. 12. epist. 31. et in priuilegio Ecclesiæ S. Medardi.) qui res arduas omnes Ecclesiarum omnium voluit iudicari Romæ: (lib. 2. epist. 46. et lib. 11. epist. 54.) qui primatum Ecclesiæ & præsidem se S. Petri ipse nominat: (in 1. Reg. cap. 9. et lib. 4. epist. 51. et libro 5. epist. 60.) qui in genere Episcopos & Patriarchas omnes Sedis Romanæ subiicit, (lib. 2. epist. 37. et 69. et lib. 4. epist. 34. et 51. et libro 7. Indict. 2. epist. 64. et lib. 12. epist. 31.) & in specie Patriarcham Constatinopolitanum, (lib. 2. epist. 63. et lib. 4. epist. 38. et lib. 7. Indict. 2. epistola 63. et 64.) Alexandrinum, (lib. 5. epist. 60. et lib. 6. epist. 37. et lib. 10. epist. 54. et lib. 11. epist. 46.) Antiochenum. (lib. 1. epist. 27. et lib. 7. Indict. 2. epist. 47.) Hierosolymitanum, (lib. 9. epist. 40.) Qui Concilia indicit & sine Romanæ Apostolicæ Sedis auctoritate & consensu valere non sinit: dānat magis cum sine Papæ iussu coguntur: (lib. 2. epist. 33. et lib. 4. epist. 34. et 39. et lib. 6. epist. 31. et lib. 7. Indict. 2. epist. 69. et 114. et 115. et lib. 11. epist. 8. et 10.) qui omnes excommunicat, (lib. 7. Indict. 2.

O 2 epist.

epist. 69. & in priuilegio Ecclesiae S. Medardi.) qui Imperatores Romanos, & Reges atque reginas Galliarum & Angliarum filios & filias vocat: & omnes Ecclesiastica sua cura regit: & cui omnes paruerunt: (lib. 5. epist. 3. & lib. 7. Indict. 2. epist. 64. & 114. & 115. & lib. 11. epist. 8. & 10. & in priuilegio Ecclesiae S. Medardi.) qui sententiam suam etiam iniustam tamen metuendam esse sensit Lutherus, (Tom. 5. Germ. fol. 222. & 231.) qui cum ista omnia faceret & crederet, tamen vniuersalis Episcopus esse non voluit: non ut pugnans secum ruddissimus stipes Lutherus horribiliter mentitur, (Tom. 8. fol. 218.) quod Papa non esset, & nomen Papae non ferret: magis damnaret Papatum: Nec ut interpretantur discipuli Lutheri, paulo sapientiores magistro, quod pastor & rector supremus omnium Ecclesiarum & summus Pontifex esse vel dominus Apostolicus, (vt ipse S. Gregorius Romanos Papas lib. 1. cap. 4. dialog. nominat) & in cura sua includere totius orbis res Ecclesiasticas non vellet, vel quod simpliciter esse titulum prophanum sentiret, quem (in lib. 4. epist. 32. & 38. & lib. 7. Indict. 1. epist. 30.) sciebat finisse Romano Pontifici a concilio sancto Chalcedonensi oblatum: sed ut ipse sensum suum explicat, quod metueret, ne sub ista voce totus honor officij Episcopalis, in Pontificem solum conferri & ceteris Episcopis omnibus detrahi: coque cum Papa cadit, ruere tota Ecclesia: & ne qui vniuersalis dicitur, solus Episcopus esse (lib. 4. epist. 32. & 34. & 36. & 38.) videretur. Eam igitur vocis intelligentiam solam refugiebat S. Gregorius: rem a nobis per vocabulum significatam non negabat, ut miser Hunnius delirat: qui ista eadem loca ut cæcus sine aspectione librorum apponit: sed epistolarum & librorum numerum non recte notat, & quod lib. 6. epist. 39. vel 80. traditur, refert ad 83. epistolam libri quarti: & similiter epistolam libri 6. reiicit ad librum septimum: insanus questionarius. Sed sic non sensit S. Gregorius: ipse quid vellet, omnibus locis explanauit: tantum singularitate Episcopatus horruit:

ruit: ut Ecclesia vniuersalis & vna & sola est, sic Episcopus vniuersalis & unus & solus esse no voluit: tamen gubernationem omnium Ecclesiarum retinuit & primatum exercuit, & Petri omnium Ecclesiarum totius orbis pastoris (lib. 4. epist. 32.) vicarius & successor fuit: fecit in regendis Ecclesijs omnia, quæ facit hodie Pontifex.

An igitur adhuc, Pappe, Lutheranus est S. Gregorius? aut si is non est, an erit S. Dionysius? S. Ignatius? S. Iustinus? S. Irenæus? Clemens Alexandrinus? Cyrillus? Nazianzenus? Basilius? Hilarius? Nyssenus? Epiphanius? Athanasius? Theodoreus? Eusebius? Damascenus? Theophylactus? Optatus? Fulgentius? Lyrinæsis? an erit vllus istorum vel omnium Patrum Pappe? An erit Tertullianus? Origenes?

Sed delige Pappe, si potes, vnum: & nomina nobis si audes; si hilarare coetum tuum, si indumento vetustatis cohonestare sectam cupis: si non videri vis assestor nouæ & recentis & per quindecim ætates, quam longè lateque gentium omnium & terrarum orbis patet, & quo usque aures & oculi & calami hominum proficiisci potuerunt, inauditæ & nulla mortalium memoria consecratae sententiae. Delige igitur, quos commodum est: & ex illis per extremam arrogatiæ recita contra nos testimonia, quæ Centuriatores, & Exabbas & VVirtenbergensi prædicatorum sodalitas, detracta de S. Patrum pulchritudine polluerunt falsitatibus, & inquinarunt mendacijs, & foedarunt corruptelis. Tamen recita de sola fide quadraginta sex Patres, vt fecerunt Tubingenses: dissimulans interim, sanctos viros cum solam fidem nominant, non ad vnicam illam solitariam virtutem quæ cōtra charitatem ac spem distinguitur, sed vel ad totam respicere religio-nis cōplexionem, quam per fidei nomenclaturam significant, vel ad fidem cum charitate & spe coniunctam & testatā operibus. Sed tenta Pappe: obijce nobis aliquid de sola fide: de vbiuitate: de omnibus. Delige vnum

O 3

vel

vel sexcentos Patres. Quemcunque tamen de toto iste sanctissimo veterum Patrum & Martyrum concilio produces: quisquis erit, si tamen erit aliquis: ego statim non tantum cōmonstrabo, non semper nec in omnibus sentire vobiscum: sed siam audacior: progrediar longius: duo alia ostendam: & nisi faciam, patiar, vt me vicissim vestris maledictis, & conuicijs & contumelijs tanquam conseleratum hominem configatis publicè. Duo igitur de Sanctis Patribus omnibus ostendam: audi Pappe. Primum, in capite nullo, in quo bellū nobis Lutherus perduellis & Apostata Christi fecit, in periodo nulla, in litera nulla, iustificationis, inuocationis Sanctorum, Missæ, oblationis pro viuis & mortuis, cælibatus, vita Monastica, primatus Papæ, Purgatorij, meritorū, salutis per opera & similium, & ne quidem in specie vna Cœnæ congruere vobiscū & cum seditionibus vestris, in eum sensum, in quem vos spectatis, Patrem vllum, cuius libri & in libris consignatæ sententiæ ad nos profluxerunt: vel cuius etiam solum nomen perlatum ad nos fuit. Secundò, nullum esse positum inter nos in controuersia religionis fidei que Christianæ nostræ caput, nullam periodum, nullam lineam, vocem nullam, quam S. Patrum aliquis vel contra nos damnauerit, vel non expressè pro nobis testimonio comprobauerit iudicioque suo. Illa duo, Pappe, contra te & contra tuos turbulentos omnes ciues sub existimationis honestatisque meæ periculo defendam publicè in colloquijs vel scriptiōibus publicis: corā tuo, coram omnium Electorum & Principum senatu, ante conspectum Imperatoris, coram Angelis & Deo: & sic defendam, vt vniuersus mundus nouitatem sit vestram & insaniam & exilitatem apertis oculis aspectaturus.

Fecissem iam statim, nisi Epistolæ modus prohiberet: vel si scirem an adhuc aliquem pudor te tuus sineret nominare Patrem, assensorem sectæ vestræ, & tum quem diligere de infinita multitudine sanctorum hominum cogitares.

gitares. Tamen quod hoc loco de S. Augustino, S. Ambrosio, S. Hieronymo, S. Chrysostomo, S. Cypriano, & S. Gregorio ascripsi: idem multò fusiùs de omnibus antiquis Patribus & singulariter de illo quem tu post adhibitum delectum propones, clarissimè commōstrabo: non de paucis capitibus sed de omnibus, & secundum duos istos modos quos ipse mihi libens circumieci. Age igitur Pappe, intende acumen studiumque tuum: si scrip̄ existimas nouam esse religionem nostram & restare vobis aliquid etiam minimi & extremi subsidij in S. Patrum Ecclesia: appare in publico: siste aliquem quem aptissimum esse putas: vel si non potes, desine mundum: desine Germaniam: desine recuperatas pretioso Christi sanguine miserias ciuium tuorum animas ludificare diutius: desine perdere conscientiam tuam: confitere magis nullum fuisse per omnia retrò secula veterem Patrem, qui patrocinium vobis contra nos accommodet: qui in minimo vobiscum congruat: testare magis & clama, Pappe, vos non magis Papæ Romani quām vetustatis totius & Patrum atque Martyrum omnium in fide & ceremonijs esse captales hostes, & iniuriam fecisse tamdiu Catholicis, & illusisse mundo, quod sub sanctorum hominum integumētis occultaretis malitiā vestram, & obnuberetis turpitudinem. Id fac, & laudabimus etiam in hæretico virtutis scintillas & reliquias pudoris.

Quod verò de antiquissimis Patribus dixi: id æquē sentio de Patribus posterioribus, qui infecuti vitam Gregorij Magni sunt, cùm iam infixa radicibus maximis & nacta pacem à Tyrannis & hæreticis Ecclesia liberiùs floraret, & Christi se fides, quam vos Antichristo perditū homines ascribitis, longissimè proferret. Sed vt puto, si in Magistri Lutheri disciplina persistes, & si diuortium ab illo non facies, nullum appellabis post Gregorium: post quem mentitur mendaciorū mancipium Lutherustuus inundasse fractis foribus & impedimētis omnibus in Ecclesiam

clesiam Antichristum, cùm priùs quoquo modo repugnalis sanctorum hominum teneretur magis inclusus in latibris. Nullum enim impudens vir post S. Gregoriū nobis relinquit Romanū Episcopum, nullum purum scriptorem: cæteros Ecclesiæ Romanæ restores nominat, Papas (Tom. 4. Latino fol. 721. & 8. Germ. fol. 218.) & scriptores, administratos Antichristi imperitissimus rerum & verborum truncus: quasi Papa non esset Episcopus, & non omnes Episcopi veteres, præsertim per Græciam, diu ante S. Gregorij æratem istud cognomentum usurpassent.

Verum si fortassis, Pappe, malitiam sociorum imitari malles, quam perfidiam Praeceptoris, & colliberet de recentioribus Patribus apponere testem: ut fecit Herbrandus, hostis Herbrandus fidei ruborisque sui, & ut fecit testator falsitatis deformis Illyricus, & nuper Exabbas Blavvbeurenensis lametabilis non scriptor sed alienorum mendaciorum sine iudicio tam incircumspectus compilator: ut in ponendis authoribus & locis tantum in Centuriatorum fide male credulus Lutheranus conquiescat: nullum ipse in authorū libris locum perlustret: id idem, inquam, si tibi placeret, Pappe: dolorē primū impudentiam tuam: deinde si tu iacturam facere verecundiæ tuæ constituisses, gauderem plurimū, tandem appellimiseriam tuam, ad illos in ecclesiam vestram cooptandos, quos maximos fuisse Papistas & sententiæ nostræ pro seminatores, & vos eousque magnis clamoribus contendistis, & si iam negaretis, conscientiæ vos vestræ & mortalium omnium conuincerent.

Tamen si vis, nomina aliquem: nomina Bernhardum sanctum illud caput, fulmen in Lutheranam deliracionem, & singulare fidei nostræ monumentum. Nomina igitur, oblitus conscientiæ & rationis humanæ: nomina per summam inuercidiam. An is verò Lutheranus esse potuit, qui Missam usque ad spiritum extremum fecit, & in ea sacrificium & transubstantiationem & vnam speciem

ciem constater collaudauit? (epist. 69. & 190. & in vita Malachiae, & in vita ipsius S. Bernhardi, & in sermo. de S. Nicolao, & paſſim.) qui S. Mariam matrem misericordiæ & Reginam cœli, & viuificatricem hominum nominauit, & eam cum omnibus Sanctis inuocandam censuit & inuocauit, (homilia 2. & 4. super Missus est, & ibidem in conclusione: & in serm. 5. in festo omnium Sanctorum, & serm. in festo S. Nicolai, & in obitu Humberti monachi.) qui per S. Mariam contritum caput serpentis esse sensit, (homilia 2. super Missus est. & de modo bene viuendi serm. 29.) qui Purgatorium & orationis pro mortuis efficacitatem credidit, (serm. 65. super Cantica, & in vita Malachiae, & serm. 3. de S. Andrea, & serm. de S. Nicolao.) qui solam fidem à iustificatione & salute remouit, (serm. 1. de modo bene viuendi, & 24. & 25. super Cantica, & 3. in vigilia Nativitatis Domini, & epist. 77. quam nota. & serm. 3. de S. Andrea, & 10. de cœna Domini.) qui in meritis nostris tāquam nostris non glorriandum; tamen confidendum esse voluit, & merita nostra ad salutem æternam adhibuit, (serm. ad milites templi cap. 11. & serm. 6. & 11. de cœna Domini, & de conuersione ad clericos cap. 15. & 17. & 66. super Cantica, & lib. de gratia & lib. arbitrio, & serm. de modo bene viuendi 20.) qui Papam Romanum omnibus Apostolis præter Petru anteponit, & principem dominum domus Dei, & vicarium Christi, & vniuersæ Ecclesiæ rectorem & pastorum pastorem, & potestate Petrum, & vunctione Christum & hæredem Apostolorum vocat, (epist. 131. & 183. & 237. & 239. & 242. & lib. 3. de confide. cap. 7. & 8. & serm. 3. de fragmentis, & serm. de S. Petro & Paulo.) qui monachus fuit, & vitam monasticam supra cœlos in Angelorum societatem & sanctimoniam intulit & profecundo baptismio habuit, (de dispens. cap. 22. & epist. ad fratres de monte Dei, & homilia de duobus discipulis, & serm. 20. & 21. de modo bene viuendi.) qui denique imaginē & simulacrum Lutheri Henricum hæreticū & Apostata monachum, cùm eadem quę Lutherus (sed non omnia) in fide nostra vilis scurra reprehenderet, & orationes atque oblatio-

P

nes

nes pro mortuis, Sanctorum inuocationes, fidelium peregrinationes, Chrismatis & olei consecrationes, & alias Ecclesiasticas constitutiones rideret, fregit autho-ritate, & repressit miraculis, & confutauit argumentis: nec ullo loco consistere passus, tam diu perquisiuit, do-nec in carcerem detrusus, libidinosus stuprator erro-reis in vacuum aërem & animam in infernum immitte-ret, (lib.3. in vita S.Bernhardi cap.5. & epist.240. & serm.66. in Cantica.)

Et quid Pappe? an tu virum Sanctum facies Lutheranum? cōtra præceptores & magistros tuos? qui in libro, in quo causas recusati Tridētini Concilij comminiscun-tur, abusi maximorum & optimorum Principum digni-tatibus & nominibus, tum totū Papatum criminandum sub libidinem & calumniam vnius Iuristæ subiecerunt, tum sanctum virū Bernhardum; ignari quidem in quem conuictum iacerent, tamen (fol. Germa. editionis 257.) archi-tectum verborum, quæ scripta à S.Bernhardo in capite 8. secundi libri de consideratione sunt, nominarunt impu-dentem scriptorem Pontificium, os quod loquitur gran-dia & mirabilia contra Deum deorum: aduersarium qui extollitur supra id quod Deus dicitur: abutentem Dei nomine & cōmutantem Papam in Idolum: pugnantem cum scriptura, & simpliciter corruptorem honoris diui-ni & prædicatorem Antichristi. Cum horum igitur libi-dine, quomodo audacia tua consistet? & quem illi cla-mant fuisse mancipium & laudatorem Antichristi, an tu seruum Christi & ciuem cæli constitues? & damnabis iu-diciū & patefacies mendacia sectæ tuæ? Et vt honori tuo parcam, tantum Papistam, & tantum fidei nostræ Sydus, qui in re nulla cū Lutherò consensit, & dissensit in omni-bus, & hostis Lutheri in persona Henrici Monachi iura-tus fuit: an quispiam sīchonorem suum in contemptio-nem proiecit, vt ad Lutheranos contra conscientiam, contra perspicuitatem veritatis, contra veterum Luthe-ranorum

ranorum publicam & autoritate Principum vestitam sententiam, ascribat? quem mentitur Lutherus damnasse in mortis aditu monasticam vitam & resipuisse ab erroribus. A Egrotus aliquando sed diu antemortem vocem pulcherrimam emisit S. Bernhardus: confidere se ad cælū capessendum in Christi meritis: tamen sua profluentia ex Christi dono non infirmauit: non negauit: magis dilatauit: & deinde cum valetudinem recepisset & vitæ cursum longius produceret, nihil unquam in priori fide correxit: à monastica vita & à Catholica publica religione & à parandis multis ad regnum cælorum meritis transuersum vnguem non discessit: nihil intermisit quod ad Papæ religionem exemplo suo illustrandam & argumentis deuinciendā & defendendam sanguine pertineret: cuius nos ductu & disciplina credimus omnia, que contra Lutheranos credimus: & si Bernhardus Papista non fuit, ne nos quidem sumus, qui complexionem fidei ab ipso traditam sequimur omnes.

Sed excudi iam & proferri in publicū confessionem S. Bernhardi iubeo: in qua quid S. Bernhardus de fide sentiat, & quanta Lutheranorum & quam incredibilis sit in mentiendo petulantia & effrænatio: isto uno exemplo in clarissimo lumine ponetur.

Quod verò de sancto sum Bernardo contestatus, idem de reliquis omnibus posteriorum annorum Patribus est verissimum, de S. Vdalrico, Giselberto, Ansberto, Radulfo, Smaragdo, Bernone, Algero, Brunone, Damiano, Lanfranco, Anselmo, Honorio, Hugone, Ruperto Cluniacensi & alijs. Papistæ fuerunt omnes: Missarum, inuocationis Sanctorum, purgatorij, orationis pro mortuis, operum, meritorum, formatæ fidei, transubstantiationis, primatus Petri, & Hierarchiæ ecclesiasticæ pontificiæ defensores grauissimi: hostes totius Lutheranismi & Ubiquitatis & consideratæ sine charitate solius fidei: qui omnes nostram secuti religionem, in controuersijs à

P 2 Luthe-

Lutherō suscitatis proximi nobis accedunt: & si quando, quod pr̄sertim Ruperto contigit, dissentunt à nobis, tamen Lutheranam causam subleuant nunquam: semper dissident à Lutherō: & illius nouitates & stupra religio- nis condemnant. Totum bellum, Pappe, nostrum dele- ueris, si quod Catalogus testium vanitatis, & insani Centuriatores, & horum ridiculus simius Exabbas Blavvbeu- rensis per extremā desperationem de Patribus illis men- tiuntur, tu testimonio vno perspicuum facies: & fuisse contra nos fidemque nostrā testes veritatis & ciues Aca- demiæ Lutheranæ, & socios fornicationis vestræ com- monstres. Attenta Pappe: periclitare quid possis: Ne specta pudorem tuum: nomina Lutheranum ex illis ali- quem: non qui in omnibus sed qui in vna re, de qua qui- dem vobiscum belligeramus, stet à vobis contra nos.

Tamen, inquies, S. Vlricus Augustanus Episcopus cæ- libatum sacerdotum damnauit, & Nicolaum Papam tan- quam vitum inconsideratum & lupum ouiaria Christi & Hæreticum flagello liberrimæ linguæ in Epistola gra- uiissimè verberauit. Falsum est, Pappe: centuplicatum falsum: Mendacium est Lutheranorum pinguissimum Epistola S. Huldrici, confictum ad fulciendam ruinam sectæ & ad tuendam sacerdotum procacitatem. Sed ex- minemus parum Epistolam, turpitudinem Lutherano- rum: non ad aperiendam falsitatem fabulae, quæ in omni- um oculis & in clarissima luce meridiana versatur: sed ad ridendam tantum immoderatam vestram mentiendi & fingendi licentiam. Primum Anno 21 (Tom. i. German. fol. 389.) placebat Lutherō S. Vlrici Epistola: tamen sub- dubitabat, nec subsidium in ea constituebat: Deinde ali- quandiu intermisæ & relicta in tenebris, rursus sistitur ante hominū oculos Anno 1550: tum cum nugatoriam Antilogiam VVeissenburgius aliquis in publicum refer- ret, erat sine dubio Sancti Vlrici & inuenta in bibliotheca oppidi Veteris aquæ in Holandia: nimirum quod pre- uideret

uideret author, firmiora esse mendacia, nec ita subitò refutari, quę ex longissimis & vltimis regionibus petuntur. Deinde Anno 1552 Funcius ex Roberto Barns Anglo calumniatore hæretico, fabulam repetit: & duabus vanitatibus amplificat: addit enim sub huius Papæ gubernatione COEPISSSE COGI ad cælibatū sacerdotes: & Vlricum Ep̄: copum istinuisse aliquandiu Papam ne mandatum exequeretur: falsissimè omnia. Rursus Anno 56 reecudit Epistolam Flacius in Catalogo stultitiae suæ, & extare confirmat in vetustis membranaceis libris: oblitus quid mendacij socius ante se nuper ad modum enunciasset publicè. Tamen & VVeissenburgius & Flacius & Funcius Sancti Vlrici vel Huldrici, qui ante annos tum 700 vitam tenuisset, Augustani Episcopi epistolam esse, contendebant pugnaciter: & priores duo simili exemplo in capite Epistolæ, quasi de veteri libro præponebāt, esse illam rescriptionem Sancti Huldrici Episcopi Augustensis, in qua Nicolao Papæ de continentia Clericorum non iustè sed impiè: non canonice sed indiscretè tractanti, responderit: & vt melius placeret fabula, falsum ex Pio II. Aenea Sylvio testimonium, vtrinque sed inconstanter appingūt: VVeissenburgius enim de S. Vlrico Augustæ Patrono, qui Papam de concubinis arguerit: prorsus ut in postrema Basiliensi editione Syluij librorum legitur: Flacius verò de eodem S. Vlrico Augustano Episcopo, qui Papæ cælibatum promouenti restiterit, loqui Aeneam Sylvium tradit. Sed non est idem, arguere Papam de concubinis, & resistere Papæ promouenti cælibatum: nec qui concubinas damnat, tollit cælibatum: nisi Flacius concubinas & vxores eodem loco habuit. Tamen postea cùm animū per historiam circumferret Flacius, impudentiā & deformitatem mendacij aspexit ipse: cùm nullus occurreret Nicolaus Papa, qui cum S. Vlrico vel iuuene vel sene cōmoratus in vita fuisset: sed primus Nicolaus viginti tribus annis, priusquam S. Vlricus vita-

P 3 lem

Iem primum spiritum hauriret, mortem oppetiuissest: secundus verò Nicolaus ad dignitatem Pontificiam elatus Anno 1058 fuisset, cùm S. Vlricus ante annos octoginta quinque vitam deposuisset. Sanctus enim Vlricus Augustanus Episcopus testimonio antiquissimi libri (qui non in Holandia sed in Augia maiore prope Constantiam in omnium oculis asseruatur, scriptus ab ipso authore Bernone Augiensi Abbe, qui viuens puer S. Vlrici memoriam recordari potuit, & Anno 1020 in magna nominis celebritate vixit) mortuus est Anno 973, 4. Non. Iulij, ætatis suæ 83. ordinationis verò, 50: de quo qui dubitat, refutabitur inspectione vetustissimi libri cùm ad me veniet, & authoritate Bernonis, quem Exabbas in Academia Christi & in cælo collocat & cum Lutheranis coniungit. Sed tametsi turpitudinem figmenti videret Flacius: tamen errorem confiteri, vir factus ad mentiendū, non voluit: potiùs primùm Anno 1562 in Centuria sexta (fol. 388.) Vdalricum sine ascriptione Sancti, authorem Epistolæ nominauit: deinde cùm in mendacio turpiter inuolutus & constrictus esset, perruptis omnibus pudoris claustris, accumulandū mendacio veteri mendacium nouū esse iudicauit, & Anno 1565 in Centuria nona (fol. 540.) non iam S. Vdalricum vel quemcūque Vdalricum sed alium Huldricum antecessorem S. Vlrici, Episcopum eiusdem loci scriptorem Epistolę facit: & Vdalricum ab Hulderico discriminat: dissimulans interim quid & hactenus à se & VVeissenburgio & Hedione & Syluio tum creditum, tum in multis libris consignatum & veteri Epistolę tanquam πρόγραμμα præmissum de membranaceis libris & Holandico volumine fuisset: quæ omnia veterator silentio contexit, nec Epistolam amplius totam vlo loco Centuriarum apparere sinit (cuius suppudere oblitum omnis pudoris hominem propter clarissimum historiarum lumen cœpit) sed breuem summam Epistolæ timidè adumbrat: epistolam ipsam intermittit. Verùm

cæcu-

cæcutiens Grypnæus, Basiliensis declamator, paruifaciens in quas angustias Flacium fodalem lumen veritatis contrufisser adhuc Anno 1569 post correctū à Flacio somnium, defendit in vasta confusione quam hæreticus ὁ Θωδοξός γραψα scripta Patrū vocat: Epistolam esse S. Ulrici, & mis- sam ad Nicolaum Papam, & inde ex vnius Ulrici perso- na cognosci quid de cælibatu pīj tum quidam viri sense- rint: in quibus tam paucis verbis & tres exhalauit in uno spiritu falsitates, & tertiam de suis vberibus grauidatam & extractam ex alio vanitatis magna piorum accessione dilatauit: vir alioquin historiarum nō imperitus sed co- actus à nuditate sectæ: & quod pudendum esse putaret, deserit fabulam tāto triumpho & tot librorum veterum splendore propositam, & tot asseuerationibus suspen- sam ante oculos hominum.

Quid cogitas, Pappe? cūm ista tecum pro considera- tione tua perpendis? Sed non sunt omnia, Pappe: Aures attende, & damnabis Lutheranos tuos tam turpis fabulae tam turpes auctores. Ut mendaciū Flacius retineret, Hul- dericum, Episcopam alium Augustanum ante VVitga- riū substituit sine vllis tabulis: sine libris: sine villo do- cumento vetustatis: cōtra literas: contra monumenta: contra signa omnia Augustanæ Ecclesiæ & veterum scri- ptorum: nullo alio usus ad probandum adiumento, nisi quod Epistola illa fictitia Huldrici Episcopi Augustani nomen præ se ferret, eoque talis aliquis ista ætate, quic- quid tabulae & libri loqueretur, fuisse deberet. O cælum, ô terra: ad sustinendam mendacem Epistolam intrudi in Episcoporum ordinem Huldricum qui nunquam fu- erit: & fuisse nec oculis, nec auribus, nec villo sensu, nec traditione, nec scriptione cognosci possit? Vtrū reci- tiūs fecisset, Pappe, Flacius, si quia talis Episcopus nullus vel in libris recitatur vel in tumulis inscribitur, negasset veram esse Epistolam cum tempore non congruentem? An quod contra apertissimam veritatem Epistolam de- fendit

fendit & nouum hominem per præstigias creauit, nō creatum à Deo? Annales Augustani Episcopū Huldricum ante S. Vdalricum non recitant: libri nulli meminerūt: tabulæ publicæ nullæ significat. De Vdelmanno Episcopo loquuntur, qui ipse post ætatem Nicolai Papæ administrauerit Episcopatum. Sed fuerit Huldricus Episcopus Augustanus: & fuerit ante S. Vlricum, tempore Nicolai Papæ primi: Tamen Epistola istius Huldrici non esset. Est enim in inscriptione Epistolæ: fuisse Sanctum Vlricum: & Syluius in editione postrema idem ascriptione testimonij sui & nuncupatione S. Vlrici, Patroni vrbis Augustanae comprobat: & sic habent libri vetusti Flacij, & liber Hollandicus VVeissenburgij & Anglicus Roberi: nisi omnes turpissimè in publico rotius mundi theatro contra conscientiam cōmenti sunt tam tetrum, tamque fœdum mendacium. Vel igitur Syluius & Flacius & VVeissenburgius, & libri omnes membranacei vetusti & Hollandici, & inscriptiones Epistolæ & alia plura vanissima sunt, plena turpissimè fraudis, vel S. Vdalricus & non Huldricus alias, tametsi fuissest alius, Epistolam dictauit: eoque magis, quod in Epistola Vlricus ille fictitius monachum se nominat, cùm se scribit & omnes viros ordinis sui venturos subsidio Papæ ad cōtinendos monachos in castitatis iurato voto. Omnino igitur S. Vlricus vel Vdalricus Epistolam scripsit & non alter senior Huldricus, qui monachus non fuit: si tamen aliquis Huldricus, Episcopus Augustanus scripsit. Atqui rursus S. Vlricus author Epistolæ esse nō potest per ætatem temporis quæ Nicolaum Papam nullū admittit: & quia in vniuersum scriptores omnes annalium & Berno Abbas noster, qui res omnes S. Vlrici fuissest tractauit, & vite Sanctorum, & libri & chartæ omnes per totam Germaniam, in qua S. Vlricus totam ætatem egit, istius rei mentionem intermitunt & nequidem per literam vnam innuunt: magis & cultorem Pontificum & Papistam maximum fuisse de-
clarant.

clarant. Nec rudit. & stultitia literarum in S. Vlricum conueniunt; qui vir religiosus nunquam Syluestro Papę per mendaciū affinxisset, quasi Syluester iussisset ut vxor Episcopi benediceretur à Sacerdote; quod Sylvester nunquam ne quidem dormiens cogitauit: voluit tantum ut vxor Presbyteri, si quam habuit, vna & legitima esset, & intercedente sacerdotis benedictione in manū cum marito conuenisset. Deprauatio illa S. viri non est: est Huttensi, vel Flacij, vel alterius Lutherani. Nec sanctus vir regulas Clericorum & Canōnem Apostolicum in alienam sententiam deflexisset: nec mutilasset Paphnutij in Concilio Niceno emissam sententiam: nec tetur mendacium finxisset contra S. Gregorium Magnum: quo nescio an turpius in omnium nugatorum libris mendacium extet; non traditum à scriptore, non contestatū libro, non consentaneum veritati; ne quidem in communi opinione hominum. Quis enim vnam de viuario S. Gregorij literam vnam duxit? verbum vnum exarauit? indicium vnum reliquit? vel authorem esse cēlibatus S. Gregorium? vel sex millia capitum infantum cepisse vna pīscatione? vel postea tam fœdo exemplo deterritum, mutasse priorem legem & permisisse matrimonij vsum sacerdotibus? Quis diabolus? quis scurra? quis nebulo tantum mendacium superiori parētum nostrorum memoria crūctasset vnam? Legem nullam S. Gregorius de cēlibatu nisi Subdiaconis Siciliæ imposuit, quos cōmunicum reliquis Ecclesiæ Romanae subdiaconis vinculo voluit contineri. Illam igitur legem sustulit, si vllam de nuptijs sustulit: & ex illa lege tot sunt factæ cādes. At primum quo testimonio? Deinde quomodo tam pauci Siciliæ Subdiaconi tam exiguo tēporis intervallo tot milia infantum procrearunt? & quomodo in vnum omnia viuarium coniecta? & quomodo Romam ex Sicilia perlata sunt? & vnde cōstat, fuisse ex Subdiaconis susceptos? Rursus adnumeremus omnes Clericos, Diaconos, Pre-

Q

sbyte-

ibyteros, Episcopos: tamen quia viuariū vno loco fuit,
necessitatem infantes nullos nisi isto loco natos, vbi viuari-
um erat, projectos fuisse in viuarium: nisi fortassis in to-
to terrarum orbe infantes omnes Sacerdotum iugulati
& comportati in istum vnum locum sunt. At quanta est
hæc absurditas? & quam mortuosa? Sumamus igitur Ro-
mam & ibi fingamus viuarium amplissimum; eoque lo-
co suspicemur demersos infantes. Sed iterum primū, si
à Siciliæ Subdiaconis propagatio & occidio liberorum
fluxit, quomodo pauca supra Siciliæ compleuerunt la-
cum Romanum tot millibus infantum? interiecta tanta
intercapidine loci? Deinde quomodo viuariū sex mil-
lia corporum sic cōplecti & tegere potuit, vt tanto tem-
pore indicium nullum sentiretur? Si enim vno loco in-
iecta fuerunt, quare cumulata non venerunt in conspe-
ctum? vel si diuersis locis sparserunt qui iniecerunt, quo-
modo fieri dispersio potuit? Aut vnde sciebant ijs locis,
vbi suos infantes occultabant, non fuisse prius suffocatos
alios? Quid corpora mortuorum humi figebat, quō mi-
nūs in altum attollerentur? Et quia tot capita abstracta à
corporibus reperiebantur, quanto & quam longinquu
tēpore isthic iacuerunt, vt putrescerent corpora & auul-
sa restarent sola capita? Et vbi tandem illud viuarium,
vel Romæ est vel in Sicilia? quō tot infantes & tam im-
punè conferri potuerūt? & quod tot corpora complexu
ambituque suo recepit? Præterea quomodo omnes pu-
eræ accurrerūt ad istum vnum lacum? aut si non tan-
tum isto sed etiam alijs viuarijs & in Tybri & profluenti-
bus cæteris similiter sacerdotum concubinæ, perdiderūt
fœtus: quam innumerabilis summa & quam infinitorum
millium infantum nasceret? tantoque magis, si non o-
mnes sunt infantes ab omnibus matribus necati: si mul-
ti superfuerunt: & tum rursus: quot concubinæ sacerdo-
tum occultæ: quot clandestina stupra? Adhuc quod su-
periūs dixi, vnde agnoscebantur capita? quo indicio sci-
ebantur

ebantur esse ex concubitu sacerdotum? An coronas ge-
stabant & rasuras, vt essent similia patrum? cur nō erant
laicorum? principum? nobilium? ciuium? rusticorum?
& quod est maximum, vnde primūm, cuius libri fide, cu-
ius authoris monimento suscepta & propagata illa fabu-
la fuit? Quare nec in Gregorio Magno, nec in Diacono
copioso scriptore, qui res minimas, gestas à S. Viro, literis
mandauit, verbum vnum de re tanta in libris omnibus
relictū fuit? præsertim si Gregorius legem suam damna-
uit? & matrimonium liberum Sacerdotibus permisit?
Id enim extreum complementū est vanissimi figmen-
ti. At quando S. Vir abrogauit legem? quando indulxit
Clericis matrimonium? Primūm enim tantūm Subdia-
conos ad nuptias Pater Sanctus admiserit, quos solos ab
vxorum cōplexu remouerat: sed tum, vnde sciebat cul-
pam tantūm hærere in Subdiaconis? nullum esse pericu-
lum à Diaconi, Sacerdotibus & Episcopis? & vnde præ-
cognoscebat illos vri, cæteros non vri? Et cur, si omnes
vrebantur, non omnes ad fruendam communem liber-
tatem matrimonij & ad participandam S. Pauli commu-
nem sententiam veniebant? Iterum in vniuersali causa
quæ omnes attingebat, omnibus potestate fecerit nu-
bendi Magnus Gregorius. At quando cōtigit? sancta erit
secta Lutherana, & totum bellum nostrum confeceris,
Pappe, si post omnem adhibitam industriam, post per-
cursos omnes libros particulam vnam tanti & tam im-
mensi mendacij uno testimonio non ad veritatem sed
ad similitudinem veri & ad inanem probabilitatem con-
firmabis. Anno uno priusquā moreretur Sanctus Pater,
in Epistolis duabus, una ad Catulum Romanum & Vi-
ctorem, altera ad Chrysantum Episcopum Spoletanum,
summo adhuc studio sub pœna abdicationis à societate
Christianæ, interdixit... mulieres cum Sacerdotibus &
cum illis qui sacros ordines suscepissent, habitarēt: quod
sc nulla ratione ne quidem audire posse grauissime con-
testatur:

Q 2

testatur: Quando igitur nouauit legem? quādo antiquuit priorem sententiam? quando sponsos & maritos esse iussū sacerdotes? Quando profecta ex fauibus virti sancti vox illa fuit, Melius esse nubere quām mortis occasionem præbere? quo testimonio? tempore? loco? Fortassis rem tanti momenti, & tam noui in Ecclesia exempli nemo retulit in annales? nemo prodidit literis? nō ipse Gregorius? non ipse Diaconus explanator vita illius? nullus Theologus? nullus rerum gestarum scriptor & propagator historiarum? Fortassis ita clām ista omnia acciderunt; infantum occisio: mutatio legis: concessio matrimonij: vt nec ipse Pater Gregorius, nec quisquam mortalium vel audiret vel cognosceret. Sed tūm vnde per quas coniecturas hausit & per quas latebras perspexit personatus Huldricus, qui annis ducentis quinquaginta quatuor ad minimum, postquam S. Gregorius ex hac vita sublatus in cælum fuit, Epistolam ad Nicolaum Papam scribere debuit? O somnia. Sed tamen, Pappe, quia spem victorię in huius fabulae triumpho collocauimus; excita tuos: ipse congrega vīm vniuersam intelligentię memorique tuę: an vnum istorum adumbrari pigmento & conuestiri probabilitatis amictu possit.

Tantum verò figmentum, tanta mendacia, tantas vanitates, nec ille Huldericus qui solem nusquam aspexit, nec S. Vdalricus noster scripsit vñquam: nō sinit illorum sanctimonia: nō permittit ætatis puritas: nec tantus asinus altere eorum fuit, vt cùm in genere concedendū concubitum omnibus hominibus, quos flāma carnis adurit, commonstrasset, postea ab ista generis complexione remoueret monachos: Scribit enim author Epistole, quam vñusquisque secundum Apostolum vxorem suam habere debeat: & præstabilius sit nubere quām vri: tamen non subiici sub istam regulam monachos & qui iubarunt continentiam: At cur? An enim monachi & voti obstricti non vrantur? & tūm cur nubere nō debent?

Et vbi

Et ubi excipiuntur in S. Pauli scriptura monachis? An universalis S. Pauli sententia non est? sed tum cur obligantur Sacerdotes? si quidam uxores habere non possunt, cur inter illos aliquos non includimus sacerdotes? cur ex puris particularibus infertur, Sacerdotes qui flammam intus vrentem sentiunt, coniungendos esse nuptijs cum mulieribus? non esse Monachos? Tantus igitur truncus vel Huldricus ille qui nec vixit, nec mortuus vnde fuit, vel S. Vdalricus noster non fuit: nec illa Epistola attribui viro intelligenti potest: Fabula est: monstrum est: portentum est: maius quam in Africa natum & in Luciani narrationibus educatum exultumque fuit: quandiu celum quotidiana conversionis circum terram cursum tenuit: nec patrocinatur fabulosum Holandice bibliothecæ adiumentum: cum ne quidem existimari queat, quemadmodum ex omnibus bibliothecis Germaniae exacta Epistola per Rhenum in Hollandiam profluxerit: interim peregrinata per annos sexcentos ab omni hominum recordatione & sensu. Nihil igitur bibliotheca oppidi veteris: nihil libri membranacei in quibus Flacius fabulam reperit, dissidens à socio suo: nihil inscriptio literarum, quem iam ab ipsis authoribus negatur: nihil ista omnia valent ad veritatem conciliadum mendaci & cum ipsa natura communique sensu pugnanti Epistolæ: ne quidem si repertum esse & non fabricatum ab heretico constaret. Reperiuntur enim eodem modo Nicodemi & Andreæ & Thomæ Euangelia: & multi libri falsò ascripti a authoribus: & fabulæ AEsopi: & Alcoranus: quibus tamen propterea non habetur fides. Nec Aeneas nos Syluij testimonium impedit: Primùm enim verba illa (Sanctus Ulricus huic præsidet, qui Papam arguit de concubinis.) cum periodo non cohærent nisi per parenthesis interposita sint. Quid enim est? Augustam (Huic S. Ulricus præsidet) ad Lycum iacentem, haud facile inuenies quæ ciuitas altera supereret. Sic enim legi coniunctim debent,

Q. 3

& non

& non ut disiunxit incuria Typographi: vt si quis ad marginem apposita, ab alio postea in medio curriculo textus inscripta esse putet, fortassis non erret. Verum id pugnaciter nō defendemus: sint verba illa Syluij: tamen pondus nullum ad infirmādam nostram sententiam habent. Addit enim S. Vlricum Patronum Augustæ vrbis arguisse Papam: quod negant Lutherani de S. Vlrico: fingunt de commentitio Huldrico altero, non vrbis protectore: & Syluium insimulant mendacijs: Nec nominat Nicolaum Papam Syluius, quod facit inscriptio adulterinæ Epistolæ: nec de cælibatu sed de concubinis reprehensum Papam scribit: nec omnino Epistolæ meminit: multò minus illam Epistolam quam Flacius aliquando esset publicaturus, confirmauit esse S. Vlrici; illis verbis; illis argumentis; illis fabulis.

Epistola igitur illa membranacea Flacij: Holandica VVeissenburgij non est S. Vlrici; nec Hulderici alterius: Vorago est & cœtus mendaciorū, tum quæ insunt in Epistola, tum quæ circumponuntur à Flacio. Recolligamus enim breuiter vanitates omnes quæ ad totam rem confluerunt. Primùm esse S. Vlrici dubitabat Lutherus: deinde post silentium aliquot annorum, rursus Anno 50 erat sine dubitatione S. Vlrici contra perspicuam & restatam veritatem: & sic præ se ferebat inscriptio & iudicium Syluij. Iterum repressit illa Epistola Nicolaum primum, vt lex quam primus contra nuptias Sacerdotum euulgauerat, aliquandiū consopiretur. Rursus non fuit S. Vlrici: fuit alicuius Vdalrici Anno 62: donec Anno 65 facta est alterius Huldrici qui in Vtopia, nunquam in lucem natus, Episcopatum Augustanum administravit: quo simul inscriptio reperta in angulo Holandiae & in membranaceis libris condemnata vanitatis & authoritas Syluij reiecta fuit: & creuit contra omnium testimoniorum fidem numerus Episcoporum Auggstanorum: Tandem in Centuria nona, cuius corpus tam sancta res ampli-

NOTA

amplificare meritò debuit, Epistola tot libris & laudibus celebrata, per pudorem non apponitur: mendacia & in-
ceptiæ & pugnæ & vanitates breuiter libantur: peruer-
tur scriptura: corrumpuntur decreta Pontificum, & sen-
tentia S. Patrum: singuntur infinitæ cædes & suffocatio-
nes infantum: & mentitæ nuptiæ Sacerdotum quas Gre-
gorius Magnus per poenitentiā concesserit: omnia con-
tra intelligentiam & sensus hominum: contra libros:
contra commentarios scriptorum: contra commemo-
rations antiquitatis: contra ipsam solis publicā lucem:
contra conscientiam. Rursus erepta Epistola redditur S.
Ulrico Anno 69 à Gynæo, misero bellatore Gynæo:
& simul sententia Ulrici transfunditur ad plures istius
temporis Christianos.

An aliquid eorum inficiari audes Pappe? An igitur Lutheranus S. Vdalricus vel Ulricus fuit? qui ista quæ vos in Epistola fingitis, nunquam dixit? nunquam scripsit? nunquam sensit? nūquam cogitauit? magis Pontificum Romanorum affæcta & seruus & filius obediens & Papi-
sta, monachusque maximus fuit? abstinendo à carnibus?
portanda lana veste? quotidie cubādo sine lecto? usque ad extremam ætatem & mortis initium faciendo sacro
Papístico? ut inter quotidiana Missarum solemnia salu-
tarem hostiam exteriùs Deo super altare immolaret, &
id se ex singulari inßu Christi facere diebus vndecim an-
te mortem diceret; sicut Berno testatur? celebrādis Mis-
sis pro defunctis? constituendo Purgatorio? laudandis
dialogis S. Gregorij & spiritu post mortem ad hominū
colloquia reuersionibus? ædificādis monasterijs? inclu-
dendis & voto obligādis monachis & sanctimonialibus?
inuocāda D. Virgine & reliquis Sanctis? faciendis ad SS.
reliquias & ad loca sancta peregrinationibus? colendis
reliquijs? edendis miraculis? consecrandis Ecclesijs? or-
dinandis clericis? credenda & expectanda mercede bo-
norum operum? sanctificando Chrismate? docenda sa-
tisfa-

satisfactione pro peccatorum pœnis? & obeundis atque si-
de suscipiendis omnibus mysterijs quæ vos iam Papistica
& detestabilia iudicatis, detestabiles hæretici.

Hunc igitur talem tantumque Papistam: qui à Deo
se orationibus & eleemosynis consecutum fuisse tradit,
vt semper diuina mysteria celebranti, duo mortui sancti
Episcopi assisterent, & simul cum illo per Crucis signum
diuina sacramenta sanctificaret, manus etiam suas iuxta
S. Ulrici manum apparere in oculis omnium hominum
sinerent? An tu illum Pappe cum fatuitate Lutherana
coniunges? & Papistam esse non permittes?

Inuenies verò illa non in Holandia sed in omnibus
Germaniæ Bibliothecis & cum primis in Augiensi nostra
in Bernonis commentarijs manu antiquissima: quæ si ad-
huc negabis, nega omnia vera esse, quæ de S. Ulrico litera-
rum monumentis consecrata ad nos peruerterunt: nega
fuisse vñquam S. Ulricum: vt certè si hæc vera non sunt,
ne quidem certum erit, fuisse vñquam S. Ulricum, cuius
vita & res gestæ in iisdem libris, chartis, & annalibus, tra-
duntur: Sed mitior factus, Pappe, damnabis Epistolam,
nec ista quæ scripsimus negabis: nec dissimulabis fuisse S.
Virum, acerrimum Papistam & durissimum monachum,
& totius Papisticæ doctrinæ approbatorem.

Quod verò S. Valerius credidit, id reliqui istius ètatis
omnibus verbis & articulis consentaneè crediderunt: nec
vnum inuenies, qui rem minimam subiectam sub fidem
nostram vel aliter complexus sit animo, quam nos sole-
mus, vel vobiscum intellexerit ad corruptelam maliti-
amque vestram. Multò igitur minus nominabis Alesi-
um, Longobardum, Albertum Magnum, S. Thomam de
Aquino, Bonaventuram, Scotum & istius sanctæ societa-
tis fœderatos alios. Quod moliri Catalogus mendacio-
rum & Exabbasturpissimè & perfidè per dementissimam
temeritatem ausi sunt: spero te factum ex ipsorum misé-
ria circumspectiorem non admissurum, vt monachos il-
los,

los, quos veterator Lutherus oppressos ignoratione totius scripturæ & ædificatores monstrorum & corruptores fidei (*de capt. Babyl.*) & impios sophistas & laruas dia-boli & Theologos Aristotelicos (*de seruo. arbitrio*) stupidum & planè Lethargicum hominum genus & crudissimos asinos, apud quos nihil recti vel sani Deus esse voluit, (*contra Regem Angliae*) & stellas de cælo in terram lapsas, quæ Christum obscurant, & locustarum procreatores quæ fidem vastat, (*contra Ambros. Catharinum.*) & tñfius fidei prorsus ignaros, quod iureirando suo restatur Lutherus (*Tom.1. Ger. fol. 476.*) & ipse Flacius (*in Catalogo testium fol. 705.*) Sathanæ apostolos & impietatis eius alumnos, & Antichristi patronos facit: tu nunc in ordinem vestrum & in Academiam Christi cooptes: cum præterea Lutherus S. Thomæ salutem vocet in dubitationem, & plenissimum errorum (*Tom.5. fol. 168. contra Ambros. Cathar.*) & corruptorem infinitum hominum (*Tom.6. fol. 23.*) constituant.

Nec mirari satis possum eousque iactari incōsiderantiam vestram: ut S. Thomam & Scotum & Scholasticos alios Doctores ad ecclesiam vestram accōmodetis: non solum quod vos perspicuitas & fulgor veritatis intus in animis conuincat mendacij: sed etiam quod omnes Papistas necesse foret esse Lutheranos, & nulla relinquetur inter nos discrepātia, si Magistri fidei nostræ, quorum nos omnia credimus, & ex quorum libris tanquam vberibus haūsimus vniuersam religionis comprehēsionem, Lutherani erunt. Dic enim Pappe, si S. Thomas Aquinas ciui Academiæ Christi & cæli & Lutheranus fuit, cur nos non simus, S. Thomæ assecle in omnibus, & ad eam fidem obligati quam ille de scripturis sumptā & illuminatam sanctitate doctrinaque sua nobis propagauit? Diccur eorum qui prorsus eadem eodem modo credunt, vñus propter fidem ciuiis sit a scriptus in Academiam Christi, reliqui propter eandem fidem non sint? Dic Pappe per honorem tuum: & simul explana, quid ista quidem in re Ca-

R talogo

talogo testium falsitatis & imitationi Exabbatis tribuas:
 quorum ille exemplum ex S. Viro Lutheranæ increduli-
 tatis nullum ascribit nisi mendacium teturum vnum ex li-
 bro qui S. Viri non est: aut quanquam sic vir sanctus sen-
 sisset, tamen nihil profecisset Catalogi faber; & adhuc S.
 Thomas dissideret à Lutheranis: Exabbas verò Centuri-
 arum exscriptor extoto corpore librorum pro tribus arti-
 culis apponit testimonia & probat nihil aliud nisi id
 quod nos omnes Papistæ semper vna consensione perfi-
 dem suscepimus quandiu Catholica Ecclesia post Christi
 in cælum profectionem per omnes terrarum tractus di-
 spersa & in Spiritu sancto consociata fuit. Tamen in pri-
 mo Vbiuitatem nihil fulcit, quam S. Thomas usque ad
 mortem tanquam pestem religionis detestatus est, (*in 3.*
Senten. dist. 14. & 22. vt etiam in Summa parte tertia que st. 10. & 13.
& 16. per totum & ubique.) vt etiam in loco quem Exabbas
 ad probandam corporis præsentiam adiecit: in quo est,
 corpus Christi esse localiter in cælo: in corde iusti spiri-
 tualiter: in multis locis sacramentaliter: quæ verba cùm
 iam relegate, quomodo calamitatem suam & contempsi-
 onem deplorabit: vt nihil dicam, in testimonij S. Thomæ
 quæ in Centuriatorum mendacijs (*centuria 13. fol. 132.*)
 inter Exabbatis exscriptiones interiecta sunt, aperte ab-
 iungi à natura humana omnipotentiam, vt esse omnipo-
 tentem, sicut vir sanctus inquit, de natura humana nullo
 modo dicatur: quæ verba Exabbatis oculos ita perusse-
 runt, vt vel non legeret vel per pudorem tāquam ex me-
 dio corpore euulta non coniungeret cum suis: Interim
 deligeret duo extrema & adderet tertium, quod Centu-
 riatores anteriori loco (*fol. 100.*) posuerant. Verū istis
 omnibus nihil incommodat nobis: nec seminatam à Lu-
 therio & ad repentinū incrementum post præstigias ma-
 gici Eslingenensis ventris educatam à Brentio & pinguio-
 rem factā à Schmidlino Vbiuitatem, prodigiosam Lu-
 theranismi filiam ullo modo sustinet: quam sanctus vir
 semper

semper tanquam infernalem furiam & bestialem crudita-
rem & excetrā religionis damnauit: & tribus illis primi
testimonij locis, in quibus vel ad personam Christi spe-
ctat, vel de finita potestate gubernandi mundum loqui-
tur, ne quidem attigit. In secundo Exabbas ipse se & Cad-
meos fratres suos VVirtenbergicos & matrem totam Ba-
bylonicam, Augustē resuscitata confusione vestram
coarguit publicē mendacij. Quod enim tu in pappistuis,
quos in confessionē inunxisti, & tecum VVirtenbergen-
ses contra P.Belarminum in refutatione calumniarum,
& Augustē fabricata confessio palam sine dissimulatio-
ne confitentur, S.Thomā Christi saluatoris passioni vim
nullam nisi ad originale tollendum peccatum relinque-
re: hoc ille in Academia, quam ex cælo & inferno com-
portauit, falsum esse pronobis testificatur, & S.Virum à
grauissima iniuria liberat: pro quo gratias habemus Ex-
abbati, & te commonemus ut mendacium in libro tuo
ascriptū, fractus autoritate socij tui, deleas, & vos men-
titos fuisse nō neges, cùm S.Viro turpis à vobis afficta sen-
tentia ne quidem in mentem vñquam per somnum in-
fluxerit, & sodalis tuus Exabbas cumulate impudentiam
vestram retundat. In tertio cæcus Exabbas non animad-
uertit quid contra se loquatur. Nam si isto loco Luthe-
ranus S.Vir fuit, Lutherani igitur credent Consecrari in
forma debita per sacerdotem, triticeum panem, & ubi is
panis est, esse in quolibet altari, in quolibet loco, in pluri-
bus hostijs & portionibus corpus Christi: quod tantum
in ore sumentis noui homines accedere ad pane in exi-
stimas.

Huic igitur Exabbati qui dissimilitudinē inter S.Tho-
mam & nos Papistas nullam, & nullum vobiscum in re
dubia consensum docet: magis neruum maximum Lu-
theranę fatuitatis ascriptione testimoniorum elicit, quid
Pappetribuendum putas? quid falsitatis testi Flacio, scur-
ræ miserrimo? qui ambo dum pro deserto ab omnibus

antiquis Patribus Lutherismo patrocinium per vim,
spolia, furta, rapinas exquirunt, nihil aliud præstant nisi
quod totum Lutherismum sectam nouam, sed Papat-
um vetustissimam omnium gentium & terrarum reli-
gionem esse perspicuum faciunt, & se matremque suam
turpis Lutheri ex Diaboli colloquio suscepit filiam
ludibrijs omnibus deformant.

Fortassis Panormitanum obijcies, qui & errare posse
Concilia, & priuati vnius testimentijs scripturæ commu-
nitam & firmatam sententiam prætulit iudicio Papæ: &
Confessionem quam auricularem vocant, non esse diui-
ni iuris sensit. Eum enim propter ista tria testem verita-
tis fecit Flacius: Exabbas verò multò in donanda ciuita-
te cæli prolixior & liberalior propter duo solum priora,
in cælo inter Academiæ Christi ciues reposuit: tametsi
authorem ipsum nullo oculo aspexisset: tantum ex Fla-
cij Catalogo vt ille vitiosè recitauerat, sic per errorem
verba in miserum & lamentabile volumen suum trans-
tulisset. Itaque si Panormitanus, quem in causis recusati
Concilij ad Antichristum ascribitis, (fol. 232. 236. & 258.)
& partem oris istius facitis quod apud Danielem loqui-
tur grandia & magnificatur aduersus Dominum, forsan
tibi, Pappe, placebit, sicut Exabbi & Flacio placuit: vt
auulsus ab Antichristo & eductus ex inferni claustris in
quæ temeritas iam illum vestra coniecit, rursus in cælo
sistatur & pro vobis dicat testimonium: quid enim libi-
dini vestræ non liceret? agedum, quamquam quod ipse
apud Sylvium in historia Basiliensis concilij de se con-
tra Flacium & Exabatem fatetur, qui sacrarū literarum
peritissimum faciūt, nec Theologus nec sacris literis ve-
hementer imbutus fuit, & ad scriptores Ecclesiasticos ap-
poni non debet: tamen etiam illum testem veritatis &
ciuem celi vestra volubilitate repente factum & ab infer-
no reuocatum parū examinemus. Quid verò bonus vir
in libris suis reliquit, affine sectæ vestræ? Primum Conci-
lia er-

lia errare posse & errasse confirmauit loco vno, & probauit Meldensis concilij exemplo. At quid sequitur? Nec enim nos inficiamur, errare posse Concilia, tum genera-
lia tum particularia, quale fuit Meldense: quæ authori-
tate summi Pontificis non vel reguntur vel confirman-
tur. Non igitur vobiscum contra nos sensit Panormita-
nus; qui tum alia quæ vos reiicitis, tum Constantiense
concilium, abominationem vestram, & in eo damnatio-
nem Hussij tanquam sanctam vniuersalis Ecclesiæ vocem
approbauit: & Concilium generale cui Papa præsidet, à
nullo recusari posse credidit: (*de for. compe. addit. ad cap. si-
quis contra. num. 20.*) Et summatim, Papista maximus & ho-
ftis totius fatuæ credulitatis vestræ & vestræ de Concilijs
sententiae fuit. Secundò clamat Flacius & eius transcri-
ptor Exabbas, existimasse Panormitanum vni fideli pri-
uato, si meliorem scripturæ autoritatem & rationem
habeat, plus credendum esse quam toti Concilio vel Pa-
pæ, in quibus paucis verbis mendacia contra Panormita-
num accumulant plurima: non ex Panormitano sed ex
mendacijs Lutheri sumpta: qui (*Tom. I. Germ. fol. 151.*) pri-
mùm voluisse Panormitanum putat, vt plus homini vni
scripturam proferenti crederetur quam Papæ & toti Con-
cilio sine scriptura. Deinde (*eodem Tomo fol. 426.*) amplifi-
cans mendacium, aliam sententiam eidem affingit tan-
quam si voluisset (*in cap. significasti. de elect.*) Panormitanus
vt Laico qui perspicuam scripturam vel rationem hu-
manam (*Bernunff*) proponeret, plus haberetur fidei
quam Papæ & Concilio. Sed nunquam ista dixit Panor-
mitanus: figmenta sunt octo Lutheri & nugæ Flacij &
imitationes Exabbatis. Non nominat Panormitanus,
vnum fidelem priuatum nec Laicum: sed tātūm dictum
vnius priuati: nec putat plus credendum esse quam toti
Concilio & Papæ: sed solūm præferendum esse dicto Pa-
pæ: nec dicit credendum esse proferenti vel scripturam

R 3 vel

vel perspicuam scripturam vel intelligētiā humanam
» (Pernunff) sed sic inquit Panormitanus: Nam in con-
» cernentibus fidem etiam dictum vnius priuati eset præ-
» ferendum dicto Papæ, si ille moueretur melioribus rati-
» onibus veteris & noui testamenti quām Papa. An verò
voluptatem istam vestram in mentiendo detestari non
debemus? De Concilio non loquitur Panormitanus: in
quo ne quidem presbyteris & diaconis, cùm definienda
veritas est, locum concedit: (*in historia concil. Basil. fol. 25.*)
nec de Papa ut est Papa & ut de pontificio tribunal cau-
sam Ecclesiæ agit: nec arbitratur factum: sed si casus inci-
deret ut priuatus non Laicus sed Clericus ad deliberati-
onem adhibitus, sententiā suam melioribus testimonijs
scripturæ deuinciret, tum iudicat pluris faciendum iudi-
cium priuati quām opinionē Papæ: quod idem nos ma-
gna affueratione contendimus, nec vel Papæ vel Conci-
lio contra apertum iussum scripturæ in articulis religio-
nis & in his quæ iuris diuini sunt, tribuendam fidem esse
censemus. Sed tamen ex scriptura credimus, nunquam
vsiuenturum nec posse contingere, ut Papa tanquam Pa-
pa: vel Concilium à Papa legitimè vel gubernatum vel
postea ratum habitum, rem minimam cōtra Scripturam
& Spiritum sanctū decernat. Quid igitur per octo men-
dacia fuit opus, vnam Panormitani nobiscum congru-
entem sententiam obiectare nobis tanquam dissimilitu-
dinem quæ inter illum & nos versaretur? Tertiò quod
Flacius addidit: intermisit propter verecundiā Exabbas,
habuisse Panormitanum Cōfessionem specialem pro re
non necessaria ad salutem ut quæ ex luce humano fluxe-
rit: quām fœdum est commentum? Errauit ista in re (*de
pærif. & remiss. cap. omnes utriusque s̄exus. nu. 18.*) Panormita-
nus, non Theologiæ sed Canonum peritissimus: neque
tamen conclusit vel defendit vel sparsit: sed placere sibi
arreptam ex glossa opinionem semel in omnibus libris
significauit: & ad istam rem probandam duo falsa prin-
cipia

cipia destinauit: Primum, nullam esse scripturam aper-
tam in qua Deus vel Christus confiteri peccata omnia sa-
cerdoti, iubeat: Secundum, Græcos non confiteri sacer-
doti, nec ad illud faciendum astringi: quæ duo Theolo-
gica errata homini nec in scriptura nec in S. Thoma nec
in Græcis libris diligenter versato libenter indulgemus;
cùm alioquin ex scriptoribus Ecclesiasticis, si Theologus
fuisset, institutionem Confessionis in scriptura & in Græ-
cis Patribus frequentiam & necessitatem cōfitendi in Ec-
clesijs Græcorum nullo negotio perspexisset. Sed simpli-
citer non esse necessariam ad salutem Confessionem par-
ticularem, nullo loco somniauit Panormitanus: nec vnu-
quam credidit de Confessione, quod vos creditis: con-
trarium magis palam isto loco enuntiauit & mēdaciū
in guttū Flacij retorsit: cùm apertè continuò scriberet:
quia generalis illa sit in nostra Romana Ecclesia tradi-
tio, peccare mortaliter, non quidem Græcos (quos insci-
us religionis Græcorum liberauit à peccato) sed Latinos
omnes qui auriculari plenissima Confessione non vtan-
tur. An verò Confessio, quæ sine peccato mortali prēter-
mitti non potest, non est ad salutem necessaria? Et an si
apud Græcos non esse necessariam Panormitanus per er-
rorem sensit, existimauit non esse necessariā simpliciter?
vt Flacius veterator in Catalogo in totius mundi con-
spectu, nihil distinguens, proponit tanquam si Panor-
mitanus Lutheranus factus, ea quæ sine externa litera di-
uinæ scripturæ per Ecclesię consuetudinem obseruantur
libera ad usurpandum sine obligatione conscientiæ reli-
quisset: quod secundum Flacij est in tertio Panormitani
testimonio mendacium: cùm contrà Panormitanus ex-
pressè ex septimo capite vndecimæ Distinctionis cōtem-
ptores Ecclesiasticarum consuetudinum æquè ac præua-
ricatores diuinarum legum coercendos esse confirmet;
& tum intermissionem Cōfessionis auricularis, sicut no-
minant, tum despicientiam Ecclesiasticarum consuetu-
dinum

136. EPISTOLA TERTIA D. PISTORII

dinum in vobis damnet, & conscientias non tantum in expressis sed etiam in mandatis ab Ecclesia obstringat: quod superiori loco fecit: cum Confessionem omnium peccatorum non mandatam in scriptura, sicut existimat, tamen propter Ecclesiæ traditionem sine peccato mortali prætermitti non posse tradit. Sed istæ sunt artes vestre, aucupari pauca verba & ea mutilata per vim reflectere ad speciem exhibendam nouitatis vestræ: quod certè in Panormitano incredibiliter factum fuit: cum ille perfectis sententijs & indicijs omnibus nihil prorsus opinonis vestræ laudauerit, quoque vel vox illi vel atramentum vel vita spiratioq; supperebat: damnauerit omnia, Papista vehementissimus & totius iuris Canonicid defensor. Et quanquam ista tria contra nos, Pappe, pro vobis intellexisset: quod nunquam voluit: an propterea propter tres istas particulas Lutheranus esset? non esset propter centum alias Papista? quare consensio trium articulorum faciet Lutheranum? dissensio centum capitum, quæ cum fundamento cohærent, non rursus à vobis abiunget? Rursus si omnes qui in tribus articulis ad sententiam vestram accedunt, sunt Lutherani, quare socij vestri, sicut saepē diximus, non sunt Caluinistæ, Ariani, Anabaptistæ & alij, qui in pluribus cum deliramēto fundamentoque vestro congruunt? Adhuc Pappe, quis vos constituit cæli Ianitores, vt omnibus quos impudentiæ vestræ videtur, etiam cum in fundamento à vobis posito delinquent & pro vestra opinione, illaqueati perpetuis Idolatrijs, & deformati Antichristi sordibus sunt, propter similitudinem vnius articuli aperiatis ostium? claudatis alijs, societate eiusdem fidei coniunctis? & sanctos honestosque viros amandetis ad sempiternum supplicium: simulque cum audaciæ vestræ lubet, reuocatos ab inferno inuehatis in cælum? quod prius S.Thomæ & S.Bernhardo & iam Panormitano vsuerit: vt in causis repudiati concilij Tridentini & alijs libris Lutheri primū essent præco-

præcones Antichristi & blasphemii spoliatores honoris
diuini: postea ab Exabitate cum dignitate collocarentur
in Academia Christi: & præsertim S. Bernhardus apud
Tubingenses iam per summā impudentiam Papista am-
plius esse nō sinatur. Quis verò potestatem vobis tribuit,
damnatores Hussij collocandi cum Hussio in cælo? &
consociādi membra Antichristi cum Christo? Vel enim
Hussij supplicium & concilium Constantiense non ap-
probauit & Papista non fuit Panormitanus: & mentien-
tur omnes libri eius & falsum dicent authores recusati
coacilij Tridentini antecessores tui: vel si subscripti da-
minationi Hussij & cultor Antichristi & dilatator poten-
tia illius fuit: tum verò cur non solūm testem Flacius,
quod ferri fortasse posset, sed ciuem Sanctorum & mem-
brum Lutheranę Academię Exabbas declarauit? Sed Pa-
pista fuit Panormitanus: in re nulla vobiscum conspira-
uit: nec quidem in propositis articulis tribus: quorum
nullum etiam, cùm erraret, ad vestrum sensum credidit:
alienissimus ab errore vestro: & religionis Catholicæ
amantissimus.

Ne igitur tu Pappe nomina vel S. Thomam vel scho-
lasticos Doctores alios, nec Panormitanum: ne tu Lu-
theranismum Papatū esse & testimonij nullis nisi quām
Papistarum, & Papistas fuisse veteres omnes facto exem-
ploque tuo probes: ne sequere Catalogū & Exabatem:
quos vides, vt induerent Lutherismo vetustatis spoli-
um, periclitatos esse fidem & existimationem & consci-
entiam. Tu magis apertè nega: clama Pappe: nullum
fuisse post Apostolos Patrem, Martyrem, scriptorem, vi-
rū, mulierem, iuuenem, senem, qui religionem intelle-
xerit, vt intellexit Lutherus: nullam in vniuersa vetusta-
te in librorum folijs, in templorum parietibus, in recor-
dationibus hominum superesse memoriam, nullam si-
militudinem, nullum spectum vel simulacrum stulticie
Lutheranę: damnari ab omnibus tāquam abhorrentem

S à Chri-

à Christo & Christi fide nouitatem conceptam nuper & editam in hominum aspectum ex priuata singulari praesidentia libidineque Lutheri.

Tametsi verò non edicas: fortassis etiam neglector honoris tui decantatam Exabbatis & Centuriatorum deformem fabulam rursus occinas: tamen ego semper ad latus astabo tuum: & furiales voces in os, in buccas, in guttur reijciam: & illa duo quę superiū proposui, in publico lumine, in conscientijs mortaliū omnium ponam: nullum fuisse Patrem: nullum scriptorem scholasticum qui contra nos pro vobis non solum in fidei complexione tota, sed etiam in vnica tota controuersia faciat: nec expectabo te: ante uertam edendis omnium Patrum & Scholasticorum confessionibus: vt non habcas quem nomines.

Sed inquies, tametsi assensor aliquis totius Luthernismi nullus ex omnium Patrum & Scholasticorum & Martyrum corona & per mille quingētorum annorum fluxionem compareat: tamen in omniū libris & sententijs tanquam in istius mundi tenebris quasdā lucere scintillas, ex quibus, quid crediderint, non obscurè liqueat. Primum id, Pappe, ad me quidem pactionēque nouam meam attinet, qui nullum igniculum, nullam scintillam ad accendendam caliginem vestrā in omnibus libris receptorum Patrum & Scholasticorū reliquum vobis esse fino: sed non attinet ad causam communem de qua ligare cœpimus. Non enim in pugnæ ingressu controuertimus, an quidam Patres quædam consentanea vobis dicerent, vel ut Exabbas de Sancto Thoma singit, an Patres & Scholastici in reliquis Papistæ, tamen de multis capitibus religionis interdum non in commode loquerentur. Proprium hoc meum est pactique mei: alienum ab instituto cōmuni: in quo disquitimus: non an in quibusdam: sed an in omnibus & in colluione tota errorum vestrorum & in ista confessionis quotidiana mutabilitate, sub
qua

qua pugnatis, unus omniū seculorum Pater, vel Martyr
vel Scholaisticus, senex vel puer ad vos accesserit: quod
ego sub calcem epistolæ secundæ negauī: & à te tuisque
apponendo exemplo uno declarandum erit: cogitare
enim potes facilimè: tametsi vnam aut alteram sectæ ve-
stre particulam suo Pater aliquis consensu sustineret: ta-
men per nullam consecutionem rectè inferri, fuisse pro-
pterea Lutheranum.

Si isti qui nonnulla similiter credunt, vnius religio-
nis cognitione tenētur, & si ex paucorum capitum con-
spiracye concluditur similitudo fidei: Ego, Pappe, Lu-
theranismum iam statim ex ratione istius eiusdem con-
nexi ostendā esse Mahumetismum, quia multa utrinque
creduntur consentaneè: vel vt in uno genero religionis
Christianæ permaneamus, docebo esse Arianismum, &
esse Lutheranismum unum omnes hæreses. Nulla enim
erit, quæ non quædam vestra communiter vobiscum in
fidem suam transferet, & credet quæ vos credetis. An igi-
tur Lutheri erit perfidia Ariana, Sabelliana, Samosateni-
ana, Anabaptistica? Caluinistica? Dauidgeorgiana? erit
profectò, si verum est quod tu de Patribus concludis: &
vel Lutherani sunt Ariani, Anabaptistæ, Caluinistæ; vel
sancti Patres non sunt Lutherani. Quomodo enim illos
tu ad vos ascribis, isto pacto & eiusdem argumenti itine-
re & ex eadem cōsequendi necessitate Arianos & totam
voraginem Anabaptistarum, Caluinistarū & nouorum
Trinitariorum in familiā inseremus sectamque vestram,
& pappo tuo conglutinabimus omnes: si qui in paucis
congruunt, professione vnius religionis coniunguntur:
præsertim quia non solùm cōmunitate particularis cre-
dulitatis, sed etiam discessione ab Ecclesia Catholica tan-
quam generali hæreticorum omnium vinculo consticti
colligatiique vobiscum sunt: quod de S. Patribus, tametsi
in quibusdam à nobis dissentirent, nemo probabit.

Si verò Lutherani propter consentientes de quibus-

S 2 dani

dam capitibus sensus, non erunt Ariani & Anabaptistæ & Dauidgeorgiani, cur Patres & Martyres & Scholaſtici, Missarum & Purgatorij & Sanctorum & operum & Lutherani Antichristi cultores & accusatores solius fidei, propter quorundam articulorum conuenientiam erunt Lutherani? excita solertia logicam tuam: dissere cur ex eodem non sequatur idem: nisi fortassis in maioribus & grauioris pensi rebus pugnant vobis Anabaptistæ quam S. Patres. Leuiores igitur controvërsiae sunt Missa, Purgatorium, Idololatria, adoratio Sacramenti, satisfactio, efficacia meritorum, salus per fidem formatam & similia, & falsum est quod scribit perditissimus Lutherus, omnium hæresum perditissimum esse Papatum. Quò præcipitatis furorem vestrum?

Nihil igitur efficeres, tametsi quod intendis obtineres, & in Patribus quædam reperires conuenientia cum nouitatibus vestris. Sed secundò, Pappe, nunquam consequeris post centies millies percursos omnes S. Patres, vt in sententia una de rebus quæ vocatæ à vobis in controvërsiam sunt & magnam considerationem habent, consentire vobisum Patrem vnum commōstres. Quicquid enim proferes, & sub quamcunque te latebram occultabis, ego te elabi non patiar: constringam semper & reflectam ad illa duo quæ de me proposui: in nulla re vel hostiliter pugnare contra nos, vel conuenire cum opinionibus vestris S. Patres: quem tibi tanquam scopum defigo, & ante conspectum præstituo, vt si audes, facias acuminis tui periculum: non truncandis testimonij & ex medio sententiaz decerpndis verbis, sed conquirenda serio & in timore Domini S. Patrum multis locis sāpe testata doctrina.

Verūm fortassis aliud rursus effugium quæres: & dices non te sentire quod sensisti haetenus, in paucis vel multis esse sectæ vestræ in libris suis subscriptores S. Patres: sed tametsi per totum vitæ curriculū implicati idololatrijs

lolatrijs & erroribus tenerentur & implicassent infinitos alios: tamē in extremo exitu spiritus yltimi, cūm anima vinculis exuta corporis in itinere ad cælum progrederetur, tum primū defluxisse veteres credulitates & inspiratam à Deo perfectam puramque fidem: & isto tempore vobiscū in omnibus consensisse S. Patres: non priūs cūm viuerent.

Agnoscis Pappe Lutheri (*in lib. de abusib. Missæ* fol. 28. ¶ 29. & alibi) desperationem, quam toties sorbuit & reuermuit Herbrandus. Sed Pappe primū vel constat id inter moriendū accidere Sanctis quod vos dicitis: vel non constat: & si quidem cōstat, dicite quibus indicijs: quorum angelorum vel hominū vel librorum testimonijs? An inscriptū est in literis sacris: sed ubi Pappe? Vir honestus erit Lutherus, si de biblico toto volumine tu locum vnum vel exemplum vnum vnius hominis recitabis ad comprobandum somnium quod de influxione in morientes S. Patres habetis. Tum verò Pappe, si scriptura visa nocturna ridiculaque vestra nō agnoscit, cur vos contra principium pingue vestrū rem creditis non consignatam in literis sacris? An fortassis non errores morientibus Patribus, sed principia vestra quibus vos ipsos circumscripsistis, & ylus humanæ rationis & vigilantes considerationes vobis viuentibus defluxerunt, cūm istas nobis narratis fabulas? Deinde quomodo S. Augustinus, quomodo S. Bernhardus è vita discesserint: quid usque ad spirationem yltimam sermocinati cum amicis sanctis viris de Deo & de religione, in cuius fidei professione subiuerint mortem, notatum in libris accusatione maxima fuit ab illis, qui ante lectum omnes sermones auribus & labiorum totiusque morientis corporis agitationes & conuersiones oculis suscepérunt. Illi igitur cur videre vel audire vel coniçere astantes & attenti non potuerunt, quod vos nondum editi in lucem, tamque longè remoti animaduertistis? Aut si intellexerunt, cur verbū nullum

de somnio vestro reliquerunt in libris? cur ad S. Patrum commonitionem nihil correxerunt? cur ipsi se in meliorem & in vestram religionem non reuocauerunt? cur perstiterunt in impuritate Papatus post tam augustas & morte contestatas S. Patrum cohortationes? Ant tam scelesti fuerūt omnes, vt S. Patrum extremas voces supprimarent silentio? & nec cōmunicarent cum alijs, nec ipsi ad meliorem se reciperent fidem? Nam si fecerunt, vbi scriptum est Pappe? in quo libro? in quo capite? Sed fortassis quamdiu linguae & sensuū vsum habebant S. Patres nondum inflauerat veritatem Spiritus sanctus, nec afflauit prius quām sensus omnes appropinquās obitus consopiuisset? Tum verò rursus vnde vos accidisse scitis, quod externo nullo signo factum testatum, & ab illis ijsdem, qui circumfusi per cubiculum erāt, animaduersum non fuit? Dic Pappe, ecquisnam vobis spiritus, quo infundibulo, per quam partem corporis vaticinationem tantam instillauit?

Præterea cur S. Patrum nemo integris sensibus & firma valetudine? cur non in maximis morbis cùm vicini ad moriendum viderentur, illuminatus vñquam à Deo fuit? Sæpe enim in mortis periculum propter inualetudinem S. Patres venerunt: & expressè S. Bernhardus cùm istam de attenuatione meriti sui & amplificatione Christi laudabilem & Papistico Patre dignissimam vocem emitteret, sic à morbo afflicetus & oppressus erat, vt excelsurus tum è vitæ societate crederetur. Tamen recepit valetudinem: nec enim, vt Lutherus stultus scurra putat, post illam acclamationē oppetiuit statim mortem: conualuit: scripsit commentarium in Canticum & epistolam plurimas: & in illis laudauit Missam, Purgatorium, preces ad Sanctos, Papisticamque totam fidem. Sic S. Augustinus sine dubio negotium habuit cum morbis. Tum verò cur nihil Spiritus sanctus infudit in ægrotantium animos? cur semper distulit in extreum vitæ tempus? cur non

non semel anteuerit? & cur non officium fecit prius quam hebescerent sensus?

S. Augustinus pridie quām exiret ē vita, libros à se editos recensuit omnes: & in ipso obitus die paulò ante exitum vitē Psalmos pœnitentiales cum profusis lachrymis recitabat & orabat continuò: moriens membris omnibus sui corporis in columis, integro aspectu & auditu, & multis astantibus & videntibus & cum eo pariter orantibus, obdormiuit in pace, vt Possidonius testatur.

Sanctus Episcopus, cuius S. Cyprianus meminit in libro de mortalitate, iam conjecturus postremam horam vitæ, conspexit ante se iuuenem honore & maiestate venerabilem, statura excelsum & clarum aspectu, quem assistentem vix posset humanus aspectus carnalibus oculis intueri, nisi quod talem videre iam poterat de seculo recessurus. Sic enim loquitur S. Cyprianus. Ille verò iuuenis commonebat moriturum ne pati timeret, & vt liberter obiret morte; tamen de erroribus addidit nihil: aliquin, vt est in S. Cypriano, moriturus (qui non sibi sed alijs audiuit, & in hoc audiuuit vt diceret cæteris) sicut reliqua sic etiam illud significasser.

S. Bernhardus mortuus est, astantibus vicinis Episcopum Abbatum & fratrū maxima celeberrimaque frequentia: nec occubuit repētinò: sed paulatim extabuit: & mortem antedixit priusquam eueniret: tamen nullus singultus & gemitus nullus, qui superiorem religionem carperet vel minimam particulam retractaret, audiri in vita vel animaduerti in morte potuit. Missam, quo usque vires sinebant, religiosè celebrauit, & iussit moriens, tum vt in Episcopi Malachiæ tunica, in qua sanctus ille Papista Malachias efflauerat animam & qua sanctus Bernhardus sacrum faciens deinde semper se vestiuérat, humaretur; tum vt omnia quæ factis & verbis tradidisset & sanctam cum primis monasticā puritatem & perfectionem non solùm fratres imitarentur, sed etiam virtutis studio

super-

superarent. Sic igitur S. Bernhardus, qui in centum & sexaginta monasterijs fidem Papisticam & monasticam vitam propagauit, & infinita millia animarum in religione nostra vel retinuit vel conuertit: circumfusus multitudo Episcoporum & Abbatū & fratrum quos in monasterio suo tum septingentos alebat, mortem oppetit: tamen vocem nullam contrariam vitae vel doctrinæ audiuit tunc quisquam eorum qui in illo moriente, oculis auribusque suis ad ultimum usque spiritum inhærebant: magis confirmauit prioris vitae studia & opera quæ Deus pater facere præceperit, se perfecisse moriturus pater Sanctus ad astantes gloriatur; & quod plus est mortuus fratres quibus apparebat cohortatur ad obseruantiam monasticam, & ad sequendam doctrinam quam reliquisset: indeque cælibeatitudinem pollicetur.

Sanctus Thomas in aspectu Abbatis & plurimorum fratrum in confessione Pontificiae religionis sine correctione minimi erroris quā vel oculus vel auris, vel conjectura hominum, qui circumstebant, & attentissimè omnes sancti viri nutus & singultus notabant, suscipere potuisset, rursus non repente obrutus sed paulatim consumptus de vita placidissimè decessit: confessus priùs transubstantiationem, & participans tum altaris tum extremaeunctionis Sacramentum, & respondens ad omnia quæ interrogabatur: tandem etiam manus attollens in cælum: Tamen nec Reginaldus monachus, cui moriturus peccata confitebatur, nec aliorum ullus qui plurimi confluxerant, mutabilitatem vel sensibus intelligere vel suspicione consequi potuit.

Illi igitur omnes sermonem non priùs quam vitam amiserunt: tamen nullam significationem, nullum verbum, nullum gestum, nullum indicium dederunt nouæ & recentis fidei: etiam cum S. Cypriani sanctus Episcopus ab Angelo ad mortem factus animosus, quid ab Angelo accepisset, diceret circumstantibus amicis: sed dixit nihil

nihil de somnio Lutherano: nec audiuerunt, qui assisterant. Sic Possidonius & qui cum S. Augustino fuerunt, ita fidem suam non mutarunt, ut post obitum S. Augustini continuò sacrificium pro commendanda mortui corporis depositione Dco offerri iuberent: quod idem S. Bernhardo & S. Thomæ contigit, vt ex eorum morte in astantium animis magis cresceret Papistica fides.

Quod verò de S. Thoma recitat asinus Germanicus Biberacensis tuus, ad cuius clitellas concionarias ascriptum est suffragium tuum: quemadmodum moriturus Bibliorum librum ad cor appresserit, & se credere dixerit quod in isto libro inscribitur: quām est ridiculam & quām dignū morale ad fabulam Lutheranam? Primū enim quando id fecit vir sanctus? cuius libri, cuius hominis testificatione? non quōd non fecerit: fecit enim semper quādiu vixit, & nihil vñquam antiquius, nihil in maioribus delicijs habuit quām scripturam: quam cōmentarijs explicauit & illustrauit penē totam: sed quōd non primū fecerit moriturus: & omnino quōd tum factum esse nemo literis mandauerit. Tamen etiam tum fecerit & in extrema è vita discessione rursus significauerit amorem in scripturam quo flagrabat semper: & quo eum flagrare sciebāt omnes. An propterea Papista non fuit? An enim Papista non est qui cōfitetur amare se Biblia, & credere omnia quē in eis sunt? At tum Papista nullus est nec erit, nec fuit, nec erunt Papistæ quos Papistas appellatis: qui omnes scripturam sanctā tanquam inspiratam à sancto Spiritu & ex sinu patris per filiū ad nos perlatam cælestem veritatem suscipiunt, & nullam eius literam vel falsam vel alienam à fide sua iudicant. Nomina Papistam vnum: repete veteres, quām potes, lōgissimè: oculos adiice ad omnes qui viuunt: si vnum offendes qui non libenter iucūdiffime quē de se testabitur quod dixit S. Thomas; defenderis vno labore Lutheranā voraginem vniuersam. An igitur mirum videtur, S. Thomam Theolo-

T gum

gum maximum, qui totam ætatem in cognoscenda & amanda scriptura posuit, complexum ante mortem Biblia, nominasse librum quem ille totum credat, cùm id & S.Thomas fecerit, & faciant Papistæ omnes; non solum, cùm ad mortem appropinquant, sed quandiu usum rationis habent & viui commorantur inter viuos. Inde verò quid sequitur Pappe? quid cogitat asinus tuus? an omnes qui delectari se Biblijs inter moriendum testatur sunt Lutherani? An igitur heretici omnes Ariani, Samo-sateniani, Anabaptistæ & reliqua colluuiies moriuntur in secta Lutherana, cùm in Biblijs versari delicias fiduci-amque suam clamat, tum cùm viuunt, tum cùm subeunt mortem?

Deinde rursus, Nunquam antea vocem istam de Biblijs emiserit vir sanctus: Dixerit tantum semel in exitu vite: & isto facto significauerit mutationem animi & dis-cessiōnēm à priori sententia. An igitur quia deseruisset vite superioris fidem, factus esset S.Thomas Lutheranus? At qua consequendi necessitate? An omnes enim, qui re-ligionem mutant, sunt Lutherani? An igitur Ariani Vngariae & Transsyluaniae ciues, an Caluinistæ, an Anabaptistæ, an Schyvenckfeldici, an reliqui, cùm à Catholica re-ligione fideque desciuerunt, facti sunt Lutherani & ha-beri debent pro Lutheranis? Cur igitur concludemus in-clinasse in extremo morbo S.virum ad Lutheranismum? & non magis ad aliorum delirantium infinitas inter se infinitè discrepantes varietates? Include in Syllogismo nugas, Pappe, vestras: & proba, qui discessiōnēm à nobis faciunt, esse Lutheranos: Id enim si posses, sequeretur, S. Thomam si mutasset religionem, factum fuisse Lutheranum. Sed non potes, in ista sectarum vestrarum dissimili-tudine & in voragine monstrorum: nec verum est, trans-uersum vnguem deflexisse S.Virum de religione Catho-lica & de fide quam à prima ætate usque ad extremū mo-mentum vitae aquabiliter coluit, & secū inuenit in cælū.

Adhuc

Adhuc enim si errorem suum moriturus S. Thomas sensit, An rum continuò cum primo sentiendi initio efflauit animam? sed ubi scriptum est? & qui fieri potuit, cùm dicatur suam de Biblijs ante mortem enuntiasse sententiam? Ad id si satis temporis habuit, cur non errorem simul aperuit? cur si vir bonus & discipulus Christi S. Thomas fuit, non apertè se correxit? cur neminem commonefecit? cur errorem non damnauit? cur magis verbo nullo indicauit? nullo nutu innuit? ubi priùs & ipse errasset & errorem obiecisset alijs? cur in priori statu reliquit omnia & post hanc vocem mortuus est in Papatu? in vita monastica? in confessione transsubstantiationis? in usu Sacramentorum & ceremoniarum omnium? in comprobatione totius Catholicæ fidei? An fortassis in faucibus mortis, vir sanctus & de nouo illuminatus, metuebat Antichristum & illius ignes & gladios? Non igitur in extremo articulo vitæ animaduertit errorem S. Thomas: vixit: loqui potuit cùm illud de Biblijs aſſeu-raret: si tamen tum fecit. Aut igitur bonus vir S. Thomas & confessor Christi non fuisset: Et tum quid accessio illius fulciet Lutheranismū? Aut falsum est, quod ex laudatione Bibliorum de sancto viro libidinosi conclusores non infertis, sed fabulosè fingitis.

De S. Thoma recitant, qui vitam illius explanarunt scriptis, pridie quām exiret è vita, cùm vires omnes morbus attenuasset & fregisset, tamen humili proiectum ante S. Eucharistiam procubuisse, & interrogatum an crederet in illa hostia esse Dei filium, respondisse prolixè; esse illud, quod videret, verū Deum & hominem Iesum Christum: idque se tum intus certum scire, tum lyncerè confiteri labijs. Nec hoc tantum moriturus dixit: sed ipso die, qui ei postremus vitæ fuit, cùm sacram extremam Vnctionem postulasset, & constanti animo respondisset ad omnia, iunctis & sublati in cælum manibus mortuus est Papisticè Papista sanctissimus in stabilitate nunquam

T 2 vacil-

vacillantis fidei, in cōspectu infinitorum hominū qui morientem circumstebant. Sic igitur S. Vir vitam dimisit: & mentitur asinus tuus: & tametsi verum diceret, tamen nihil concluderet. Sed debetis orbatī ab omni præsidio antiquitatis, fabricari somnia & architectari mendacia quibus sectā vestræ nouitatem occultetis.

Itaque quia nec in scriptura locum vel exemplum vilium præmonstratis: nec in libris reliquis exemplum ad fidem conciliandam somnio vestro consignatum inscriptumque fuit: magis istis omnibus vestrā confutatur fabula: an non iure vel iucundè ridere, vel miserabiliter lamentari interminatam impudentiā vestrā debemus? quos non pudet, apertè contra cælum & terram non simpliciter mentiri, sed studio summo, cùm intus animus, foris omnia testimonia & intelligentia atque memoria omnium hominum reclamat, conquirere mendacium & tāquam rem sacram obtrudere miseris ciuibus? Quod vnicum ad pedibus conculcandā & detestandam sectam vestrā satis esse deberet meritò. Si enim is qui semel turpiter mentitur publicè, fidem sic pericitatur & honestatem, vt flagitosi deinde Nebulonis cognomentū iure sustineat: vt Lutherus veterator tuus contra se (*Tom. I. Ger. fol. 368. b*) luculenter scribit: quid de vobis pro Lutheri iudicio? quid de ipso Luthero constituemus? An propter hanc vnam fabulam ita turpiter & nefariè cōfictam aliquid vobis honoris & existimationis esse residuum? aut consistere cū illo mendacio scintilla pudoris potest?

Fortassis putabis Pappe: succurrām enim ruditati vestrā: non alienum à scriptura somniū esse vestrū: quia S. Patres ex electis Dei sint, qui errare secūdum Christum non possint: errarūt autem quandiu vixerunt: effici igitur necessariò vt in ipso vestibulo mortis collustrati à Deo, dimiserint errores: Quod Lutherus non quidem tam apertè concludit, tamen obscurè innuit.

Speramus profectò & ex testimonio Ecclesiæ scimus,
ad ele-

ad electorum numerum pertinere S. Patres: At cur vobis electi sint, non video. Vnde enim scitis? An rursus ex oraculo & ex inspiratione? sed cuius spiritus? An ex fide? Et tum an ex fide testata in qua gloriabantur cum viuerent? sed illa vobis erat idololatrica & Pontifícia & damnata. An igitur ex fide ignota? peregrinare ab omnium hominum oculis? auribus? animis? At vnde de illa constat? Et cur propter fidem, quam secutos esse scimus, non fuerunt electi? fuerunt propter fidem, quam fuisse nescimus? & quæ coniectura nulla capi, signo nullo animaduerti, diuinatione nulla sentiri potest? & cur fidem, ipsorum & astantium testimonio comprobatam valere non sinitis? quæratis in nocturnis illusionibus & deliramentis vestris fidem nouam? nec à Deo, nec ab angelis, nec ab hominibus sicut testificatam, ut in cuiusquam conscientia compareat? Cur fidem adiungitis fabulis? detrahitis librorum & hominum testimonijs? Sed si nec ista commentitia in somnio inter dormiendū vobis obiecta fides placet, an igitur fuisse ex vitæ sanctimonia colligitis electos S. Patres? Sed sola fides vobis conciliat possessionem cœli: opera quō magis splendent, & sanctitatis amictu conuestiūtur, hoc magis Luthero veteratori salutem turbant & distinent. Quid ergo? an scitis ex Ecclesiæ testimonio? Atqui Ecclesia illa Pontifícia & nostra fuit, & credidit, non quod occultè in S. Patres cum morte primum influxit, sed quod S. viri publicè crediderunt cum viuerent, & quod in libris consignarunt: non quod vos ex somnijs vestris assingitis. Deinde si Ecclesiæ fidem habetis cum electos S. Patres fuisse confitetur: cur non habetis cum doctrinam publicam S. Patrum probat? Vnde tandem igitur Patres sancti homines inter electos à vobis referuntur? quo argumento? quo signo? qua coniectura? Et si illi fuerint, quare nos non sumus, assertatores eiusdem fidei? Et rursus an electi esse possunt qui in Idololatria usque ad mortem inharent & damnatam si-

T 3

dem

dem tum ipsi colunt, tum proseminant in alios? nec retractant vñquam? nec confessione oris quæ secundum Lutherum (*Tom. 4. Ger. fol. 362.*) ad salutem necessariò requiritur, errorem confutant?

Adhuc si per occultam fidem occulti electi fuerunt, nosti tritam in libris & sermonibus vestris scripturæ abusionem: Nouisse Deum qui sui sunt: quo diuerticulo elabi semper vultis, cùm ad Ecclesiam ostendendam publicam vos astringimus. At si propterea Ecclesia cognosci, & electi reliqui perspici non possunt, quia solus eos Deus nouit: Cur S. Patres facitis electos? & quod solius Dei proprium est, subiectis sub notitiam vestram? & tollitis principium, in quo proram hæc tenus & puppim occultæ Ecclesiæ defixistis?

Recolligamus omnia Pappe. Vel perspicuum vobis vel ignotum est: inter electos fuisse S. Patres. Si occultum est, miramur inuercundiam impudentiamque vestram, qui res peregrinantes ab intelligentia & positas in ignoratione proponitis ad credendum & credi à vobis iubetis. Rursus si notum est: cognoscetur, non ex re inclusa in tenebris sed ex indicio publico, quod in sensu nostros & inde in animum incurrit: ex fide in libris relata, vel ex testificatione Ecclesiæ. Fides verò publica S. Patrum in qua vixerunt & mortui sunt, fuit Pontificia nostra: quæ si electos facit vel significat, nostra igitur fides vera & legitima, & vestra erit adulterina & falsa fides: quod agnosce Pappe, & damna temeritatem vestram. Sic si propter Ecclesiam quæ de electione S. Patrum testimoniū enunciauit, pro electis recipitis S. Patres, Ecclesia rursus nostra Pontificia, eiusmodi illa fuit, vera Christi Ecclesia, & vestra tanquam contraria nobis, Antichristi erit. Non enim illa Ecclesia testis sanctimoniacæ S. Patrum propter somnium vestrū S. Patres electis adnumerauit; nechaberet pondus si fecisset: sed propter professionem publicæ puræ fidei, sine qua nemo electus est; & propter præstan-

præstantiam ac multitudinem miraculorum, quibus fidem antegressam publicam Deus illuminauit, sensit per Spiritum sanctum fuisse puros & sanctos Christianos: eoque declarauit cooptatos iam esse in cælum ad participandam æternam beatitudinem: nec tātūm electionem eorum sed simul fidem: fidem autem non morientium tenebricosam & mortuam nobis, sed viuorum publicam & in libris viuentem atque contestatam fidem tanquam veram Christi fidem & laudauit & secuta fuit. Quocunque igitur inflectitis nocturnum somnium vestrum: semper verum erit, vel non electos fuisse S. Patres de quo nobis liqueat; vel si illi electi fuerunt, condemnari vos fidemque vestram: & stabiliri nostram.

Verūm ut aspicias propius, quanta sit connexi tui deformitas: quo tu itinere, Pappe, S. Patres Lutheranos facis, eodem ego Lutherū & patrem tuum & propinquos & magistros sectæ ostendam mortuos esse in Papistica nostra Catholica Euangelicaque fide. Arrige aures Pappe: An negas inter electos fuisse Lutherum & illos quos nominaui? Nos quidem simpliciter negamus: Tamen tu, procreatio illorum, libenter concedes. At illi omnes nostro sincero iudicio erant errorum plenissimi; & senserunt cōtra omnium ætatum, omnium Patrum & Martyrum Catholicam Christi fidem, quādiu cursum & usuram vitæ tenuerunt. Quia verò tanquā electi, errore semper obligari non potuerunt, debuerunt magis tandem saluari: sequitur igitur inter moriendum Lutherο & patri & propinquis & magistris tuis extabuisse Lutheranos errores omnes, & per Dei illustrationem discessisse illos ex vita bonos Papistas. Quid negas Pappe? An igitur Lutherus & cæteri mortem oppetierunt in religione Papistica? Aut si de illis non rectè concluditur, cur vos rectè infertis de S. Patribus? Dices fingi à nobis in extremo articulo vitæ, conuersionem Lutheranorum. Verum est Pappe, fingimus ad ostendēdam turpitudinem vestram

& ad

& ad illudendum vobis eodem modo quo vos de S. Patribus soletis. Tamen, serue nequam, cur tibi vis haberifidem in S. Patrum exemplo? nobis idem ius dete & tuis non permittis? cur fabula vestra valet? non valet nostra? expressa ex imitatione figmenti vestri? Interim verum est omnes qui contrariū de se ante spirationem ultimam non testantur, in ista esse relinquendos religione, cum qua ipsi se, quandiu vita fruebantur, coniunxerunt, & ad quam adhuc extremis vocibus & indicijs constanter adhæserunt.

Et rursus verum est, quod hostis Lutheranorum, discipulus Romani Pontificis & ciuis & filius beatus Cyprianus in superiore libro clarissimè testatur, non discere Sanctos fidem cùm è vita discedunt: sed quod illis tunc intus à spiritu dictatur, id ad astantes pertinere, non ad morientes. Verba S. Viri sunt illa: Audiuit (ex Angeli voce) frater noster & collega moriturus, quod cæteris diceret. Nam qui moriturus audiuit, ad hoc audiuit ut dicere: audiuit non sibi ille, sed nobis. Nam quid disceret iam recessurus? didicit imò nobis remanentibus.

Sic igitur tandem, Pappe, caput primū Epistolæ concludo: & magno spiritu, magna vociferatione clamo, vt mundus vniuersus, cælum, terra, maria, muri urbis tuæ, parietes curiæ, fornices templorum, & intercolumnaria scholarum audiant: nullum esse retrò quo usque respicere mortalium animi & memoriæ longissimè possunt, sanctum Patrem, vel Scholasticum Scriptorem Ecclesiasticum qui vnum caput de cōtrouersijs religionis nostræ damnet: vnum figmentum vel varietatem sectæ vestræ probet: eumque totum receptum, quem ad Doctores Ecclesiæ queritis, interclusum vobis esse, vt sine iniuria, sine mendacio, sine corruptela, sine reuulsis septis sanctimoniacæ, ne quidem testimonium vnicum recitare de libris Patrum & Scholasticorum scriptorum, maximorum hominū, pro vobis fœditateque vestra queatis.

Nostrī

Nostri Patres sunt, non vestri: pro nobis pugnant: nobiscum sentiunt: vobis patrocinari & nomen accōmodare suum, in re prorsus nulla, nec sordidari à vobis volunt: nec quocunque effrenatio se vestra iactabit, nominabis ullum unquam Ecclesiæ sanctū & comprobatum Doctorem: qui litera una, syllaba una, voce una, perido una, non dico voraginem totam infinitè variatæ secatæ, sed particulam unam, cùm sententia rectè perpendiculariter laudet: qui non infestetur: non vituperet: non detestetur.

*CAPVT SECUNDVM, DE CONTRA
DICTORIBVS QVI VITAM PONTI-
FICVM CRIMINANTVR.*

VT verò subsidium nullum habetis impudenteriæ vestræ relictum in Patribus: sic multò minus secundò per illos fulcietis sectam societatemque vestram, qui, cùm Catholici in profunda fide essent, & totam Papæ religionem assensu cultuque suo retinerent, immoderationes tantum Cleri & luxum & prolapsionem disciplinæ culpabant. Cogita enim, Pappe, quām ridiculum sit, quām absurdum, quām miserabile mutuari ab illis fidem, Ecclesiæque, communitatem, qui in fide à vobis dissentīunt? & coniungere vobiscum homines qui religionem Papisticañ animo complexi, & verbis testati, quandiu vixerunt, semper tricas condemnarunt ineptiasque vestras? An verò quis fidem Papistarum laudat, obiurgat peccata, Papista non erit? An morum reprehensio, quandiu fides non variatur, variat religionem? Quid deliras, Pappe? An igitur Luthe-rus, an Brentius, an Musculus, an primipili vestri omnes cùm fidem suam attollunt, & queruntur de sceleribus flagitijsque suorum, Lutherani non sunt? Responde, Pappe. Homines an asini estis, cùm eos qui vitam Papisti-

V cam